



ახალი განათლება

22-28.02.2018

№6 (800) ბაზრონი 1998 წლიდან

www.axaliganatleba.ge



უმაღლესი საგანმანათლებლო კრობრაგებისათვის დარბობრივი მასსიათებლები მუშავდება

ბიძეძველიანი საუნივერსიტეტო პედაგოგიური განათლების ხაზოხმის ფაიხბაბში, ჯიბ-ჯიბ მნიშვნელოვან აბო-სანაე დინსახა 2018-2019 სანსავლო წილან მანსავლეხის მომხალების ინსაბიხიბაბი საბაბანავიბო-სამაბის-ბიბო საბანმანათლებლო პიბბიბაბის აბობაბაბა.

ბვერლი 4

„ჩანს, ჩვენთვის დღეს ავსაფეთი უფრო შორსაა, ვიღრე აფრიკა“

„ბე უარს ვამბობ აბ ბაკვეთილის სნავლაფა“ –
მეშვიდეკლასელი ბობონას კროტესტი
ნუბზარ შაბანიბის მოთხრობის „მობზაურობა
ავრიკაში“ სნავლებასთან დაკავშირებით

ნათილა მალანაბიბი: „ხაც შეეხება ტექსტის მხატვრულ
ლიხსებას, მოხედ ვიტყვი – მას ჩემი დაცვა ახ სჭიხდე-
ბა და სანყენია, თუ ზოგოიხთმა მეთხვერმა მასში მბო-
ლოდ ნახომანისი პიბბაბანდა და მოზახდებისთვის ცედი
მაგალითი დაინახა. ბაბემ აბე შეგახსენებთ – იყო დიბო,
„ვეფხისტყაოსანსაც“ „ყმანვიღთა გახყვნას“ უბიფინებდ-
ნენ და აბ ნიგნს მაშინდელი ზნეობის „დამცველები“ კო-
ცონზე ნვავედნენ. ჯახბ ტექსტს ჯახბი ნამეთხველი სჭიხ-
დება და მბოლოდ ამოგლეჯილი ფიხაბებით ახ ენდა ვიბს-
ჯელით მხატვრული ნანახმოების ავ-ჯახბის შესახებ.“

ბვერლი 10

კროფანსიული უნარების ბამოსდისთვის მოსამზადებლად

CAVABLARI ILƏ ÖNƏMLİ SUALLAR

მნიშვნელოვანი შეკითხვები პასუხებით

Կարևոր հարցեր պատասխաններով

ბვერლი 6



თსუ – 100

ივანე ჯავახიშვილის ცხოვრება და მოღვაწეობა

ბვერლი 2

კროფანსიული განვითარება

ბარი დაკვირვების კომპონენტი ვილოტირებიდან ფართომასშტაბიან დანიერბვაზე გადაღის

ბვერლი 5

უმაღლესი განათლება

ავტორიზაციას შენიღული უნივერსიტეტების შეუსრულებელი მისია

ბვერლი 8

გამოსვები – 2018

საატენტატო გამოსვები შეცვლილი ფორმატით ჩატარდება

ბვერლი 11

ივანე ჯავახიშვილის სხოვრება და მოღვაწეობა

მიმდინარე წლის 8 თებერვალს არსებობის 30 წელი შეუსრულდა სტალინის სახელობის თბილისის სახელმწიფო უნივერსიტეტს. ამ უმნიშვნელოვანესი დაწესებულების საიუბილეო დღეს შესაფერი იქნება მოვიგონოთ ის ადამიანი, რომელმაც მთელი თავისი ცხოვრება და მოღვაწეობა მოაწოდო ქართული მეცნიერების აღორძინებისა და თბილისის უნივერსიტეტის დაფუძნების საქმეს.

ივანე ჯავახიშვილი დაიბადა 1876 წლის 11(23) აპრილს სოფ. ხოვლეში (ქართლში). საშუალო განათლება მიიღო თბილისის მესამე და პირველ გიმნაზიებში. ჯერ კიდევ გიმნაზიაში ყოფნის დროს გამოიჩინა ქართული ენისა და საქართველოს წარსულის ცოდნით. გარდა იმისა, რომ საქართველოს წარსულის გაცნობის მიზნით ის თვითონ მოგზაურობდა ხოვლეს მიდამოებში და ეცნობოდა ჩვენი წარსულის ძეგლებს, ის თავის ამხანაგებსაც ურჩევდა სათანადო წრეების დაარსებით შესდგომოდნენ ქართველი ერის ცხოვრების შესწავლას და არა ერთი მისი ამხანაგი დიდის მადლობით იგონებს ამას.

„დიდის ყურადღებით, გულდასმით ვუსმენ ვანოს, მაკვირვებს მისი ნაკითხობა და ენთუზიაზმი. გაოცებული ვარ როდესაც მის ხელში ვხედავ ვიოლინოს, მასზე დაკვრას სწავლობს, მუსიკა ჰყვარებია... მე კი მეგონა, რომ ვანოს ქართული ენისა და თავისი გაკვეთილების მეტი სხვა არა აგონდება რა. ვანოს ვხვდები არც ისე ხშირად, მაგრამ ყოველი შეხვედრა სტოვებს ჩემზედ დიდ შთაბეჭდილებას...“

ვათავებ გიმნაზიას და საზაფხულოდ მივდივარ დაბა ახალქალაქში (გორის მაზრაში) ჩემს დასთან. რამდენიმე ხნის შემდეგ მახლობელ სოფელ ხოვლედან ჩამოდის ვანოც. მასაც დაუშთავრებია გიმნაზია და ზაფხულის მინურულში აპირებს პეტერბურგში წასვლას უნივერსიტეტში მეცადინეობის დასახლებად. ახალქალაქში ბევრი ნაცნობი და ნათესავი ჰყავს. ახალგაზრდობა იკრიბება ვისთანმე. შუაში ვანო უზის. იგი ჩემთვის უკვე ნაცნობი გატაცებით უამბობს დამსწრეთ ქართულ წარსულზე, ანწყობს და მომავალ პერსპექტივაზე: მოუწოდებს ახალგაზრდობას შექმნან სამეცნიერო, სალიტერატურო, სამეურნეო და სხვა წრეები, მოუწოდებს ყველას ქართული აპათიისგან გამორკვევას და თვითგანვითარების გზაზედ შედგომას... და ვათავებს ბაასს, მერე შესკუბდება თავის ცხენზე და ნახევარ საათში ისევ თავს ამოპყოფს მშობლიურ სოფელში, სადაც იგი მოღვაწეობს ამგვარადვე და თან მეცადინეობს. იგი ხშირი სტუმარია ტაძართა, სასახლეთა და ციხეთ ნანგრევებისა. მის ცნობისმოყვარე თვალს არა გამოეპარება რა. ჭაბუკს უკვე შექმნილი აქვს დიდი მასალა და იგი შედის უნივერსიტეტის შენობაში გაბედულად, თავისი ძალის მოიმედე“ (კოტე მაყაშვილი, „ჩვენი მეცნიერება“, 1926წ. №17-18, გვ. 1-3).

ასევე აღტაცებით იგონებს ივანე ჯავახიშვილის მოწაფეობის წლებს მისი კლასის ამხანაგი, ცნობილი ექიმი გაბრიელ სერგის ძე ფონდოევი: „მე და ვანო ჯავახიშვილი, – წერს ფონდოევი, – ერთად ვსწავლობდით თბილისის პირველ კლასიკურ გიმნაზიაში, რომელიც დაფუძნდა 1895 წელს. ვანო ჯავახიშვილი არა თუ ჩვენი საერთო საყვარელი ამხანაგი იყო, იგი იყო ჩვენი კლასის სინდისი, ამ სიტყვის სრული მნიშვნელობით. თუ კი რაიმე საკითხი გვანუხებდა ჩვენ, ვჩქარობდით გაგვეგო, თუ რას იტყვოდა ვანო ჯავახიშვილი. თუ რომელიმე ამხანაგი რაიმე უდიერ საქციელს ჩაიდენდა, მისი საქციელის კოლექტიური გარჩევის ინიციატივა ვანოსგან მომდინარეობდა; მასვე მიანდობდა ხოლმე კლასის საკადრისად გაეკიცხა ის ამხანაგი... ჩვენ ძალიან გვიყვარდა ვანოს მოსმენა დასვენების დროს: ის დიდის ხალისით გვიზიარებდა, რაც წინა დღეს ნაკითხა ან თეატრში ენახა. სწორედ ვანო ჯავახიშვილი იყო, რომ ცუდი ქცევისგან თავს შეგვაკავებინებდა ხოლმე. მასწავლებლებს ყველას, უკლებლივ, უყვარდათ ვანო როგორც უღარესად პატიოსანი და კეთილსინდისიერი მოწაფე. იგი ყველა ჩვენგანზე ადრე მიხვდა, რომ გიმნაზია ყველაფერს ვერ შეგვასწავლიდა. მიხვდა, რომ მოწაფემ თავის განვითარებაზე თვითონ უნდა იზრუნოს, სკოლის გარეშე მეცადინეობით უნდა დაწინაურდეს... ამას ის ახორციელებდა დიდის აღტაცებით და თავისი მავალითი დაგვიმტკიცა, თუ რა წარმატების მიღწევა შეუძლია მოწაფეს ამ გზით. მისი წერითი სამუშაოები რუსულ ენაზე ძალიან შინაარსიანი იყო და მაღალ შეფასებას ღებულობდა მკაცრი პედაგოგისგანაც კი, რომელიც მის ნამუშევარს სანიმუშოდ გვიკითხავდა ჩვენ. მაგრამ განსაკუთრებულად უყვარდა ვანოს ისტორია; თვით ისტორიის მასწავლებელსაც უყვარდა ვანოს პასუხების მოსმენა, რომლებიც



არასდროს არ იყო გაზეპირებული და ტრაფარეტული; ეს პასუხები ყოველთვის ამომწურავად გადმოგვცემდნენ იმ ეპოქის სულს, რომელზედაც მოგვითხრობდა ვანო.

ვანო ჯავახიშვილი განსაკუთრებით ჰუმანიტარულ საგნებს ეტანებოდა: ლიტერატურა, ისტორია, ძველი და ახალი ენები – აი მისი ინტერესების სფერო; მათემატიკური საგნები, ალგებრა, ტრიგონომეტრია, გეომეტრია, მაინცდამაინც არ იტაცებდა მას.

უკანასკნელს, მერვე კლასში ყველა გიმნაზიელის წინაშე იდგა კითხვა – რომელ უმაღლეს სასწავლებელში შევიდო. ბევრი ჩვენგანისთვის მომავალი ბურუსით იყო მოცული. ვანო ჯავახიშვილისთვის კი პერსპექტივა ნათელი იყო, ყველაზე დიდი ბედნიერებაა ადამიანისთვის იცნობდეს თავის თავს, ითვალისწინებდეს საკუთარ ძალღონეს; ეს ბედნიერება უთუოდ ჰქონდა ვანო ჯავახიშვილს, მისთვის ნათელი იყო ის გზა, რომლითაც მას უნდა ევლო და თავისი მეცნიერული საქმე შეესრულებინა“ (გ. ფონდოევი; მასალა საქართველოს მუზეუმის ივანე ჯავახიშვილის კაბინეტისა).

1895 წელს, გიმნაზიის დამთავრების შემდეგ, ივანე ჯავახიშვილი შედის პეტერბურგის უნივერსიტეტში აღმოსავლურ ენათა ფაკულტეტზე და ნ. მარის, ალ. ცაგარელის, ვ. როზენის, პ. კოკოცევის და სხვათა ხელმძღვანელობით იწყებს მუშაობას ქართულ-სომხურ ფილოლოგიის (ამ სიტყვის ფართო მნიშვნელობით) დარგში. სპეციალურ საგნად ის ირჩევს საქართველოს და სომხეთის ისტორიას. თუ რა ინტენსიური იყო მისი მუშაობა ამ ხნის (1895-1899) განმავლობაში, მოწმობს ის გარემოებაც, რომ უნივერსიტეტის დასრულებისას (1899 წელს) მას თავისუფლად შეეძლო ბერძნულ-ლათინურ, სომხურ, სპარსულ და სირიულ წყაროთა მომარჯვება; თხოვლებისთვის „წმინდანთა ცხოვრებანი გრიგოლ წერენცის სომხურ სალიტერატურო ძეგლებში“ იგი ოქროს მედლით იქმნა დაჯილდოებული; პროფ. ჰარნაკიც, რომელთანაც ის შემდეგ (1901 წელს) ბერლინში მუშაობდა, საგანგებოდ აღნიშნავს მის მკვიდრ ცოდნას სპარსული ენისას.

1899 წელს ივანე ჯავახიშვილი პეტერბურგის უნივერსიტეტთან იქმნა დატოვებული საპროფესორო მოღვაწეობისთვის მოსამზადებლად ნ. მარის წარდგენით. 1901 წელს ჩააბარა სამაგისტრო გამოცდები ქართველოლოგიის დარგში. ამგვარად, საპროფესოროდ დატოვებულმა ივანე ჯავახიშვილმა 1901 წელს მოიპოვა „ქართული სიტყვიერების მაგისტრანტის ხარისხი“.

1902 წელს (აპრილიდან ნოემბრამდე) ივანე ჯავახიშვილი პროფესორ ნ. მართან ერთად მოგზაურობს სინას მთაზე იქაური ქართული ხელნაწერების შესასწავლად. ნ. მარი აქაც დიდ მზრუნველობას იჩენს თავის მოწაფეზე; მას ახარებს ყოველი მისი წარმატება მუშაობაში, აღონებს მისი ფიზიკური

სისუსტე. თითქმის ყოველ წერილში, რომელსაც ის სწერს ფაკულტეტის დეკანს და თავის პირად მეგობარს, აკადემიკოს ვ. როზენს ნიკო მარი ახსენებს ივანე ჯავახიშვილს.

...ჯავახიშვილი ძალიან ბეჯითად მუშაობს; უკვე ოთხი ხელნაწერი აღწერა დაწვრილებით.

სინას მთა. 1902წ. ივნისის 21 (ივლ. 4).

პალესტინის მცოდნეობის საკითხი... ამ მხრივ განსაკუთრებით ძვირფასად მეჩვენება მე პალესტინის „თეთენი“, X საუკუნისა, რომელიც ჯავახიშვილმა უკვე თითქმის მთლიანად გადმოსწერა. – ალექსანდრია 1902 წ. აგვისტოს 9.

ჯავახიშვილი მუშაობაში ძალიან ბეჯითად და ამტანი აღმოჩნდა. მონასტერში კვება საკმაოდ მოსუსტებდა, „მონასტრის უხარშავი ლობიო“. განსაკუთრებით მძიმე იყო უდაბნოში მგზავრობა. სინას მთიდან სუეცამდე აქლემებით ვიარეთ; გვექონდა ოთხი ყუთი „სარდინკა“, ოთხი ბულიონი (ოთხ-ოთხი კოვზი) და ორი ყუთი შესქელებული რძე. განსაკუთრებით გაუჭირდა ჯავახიშვილს: „სარდინკის“ გარდა არაფერს ჭამს... (გზაში ფული შემოკლებით, რუსულ საზღვაოსნო სააგენტოს უარი უთქვამს უფასო ბილეთზე). იძულებული ვიყავი მთელი ფული, რაც მქონდა, ჯავახიშვილისთვის მიმეცა, რომ ის მაინც გამემგზავებინა შინ. მე აქ დავრჩი.“ (ნიკო მარის დღიურებიდან)

ექსპედიციიდან დაბრუნების შემდეგ ივანე ჯავახიშვილმა ითხოვა ლექციების კითხვის ნებართვა. ამის შესახებ ფაკულტეტის საბჭომ აღძრა შუამდგომლობა რექტორის წინაშე. უნივერსიტეტის რექტორმა დააკმაყოფილა ფაკულტეტის შუამდგომლობა და 1903 წლის 1 იანვრიდან ივანე ჯავახიშვილი შეუდგა ლექციების კითხვას.

1903 წლის 1 იანვარი უნდა ჩაითვალოს მნიშვნელოვან თარიღად ივანე ჯავახიშვილის ცხოვრებაში. 26 წლის ჭაბუკმა მოიპოვა პეტერბურგის უნივერსიტეტში პრივატ-დოცენტის წოდება და ამით მას მიეცა საშუალება შესდგომოდა იმ მიზნის განხორციელებას, რომელიც იმთავითვე ჰქონდა დასახული: ერთი მხრით, შეექმნა ჭეშმარიტ მეცნიერულ საფუძვლებზე დამყარებული „საქართველოს ისტორია“, ხოლო მეორე მხრით ეზრუნა მომავალი სამეცნიერო კერის, ქართული უმაღლესი სკოლის შექმნაზე.

1903 წლის იანვრიდან დაწყებული ვიდრე 1917 წლამდე ივანე ჯავახიშვილი ჰკითხულობდა პეტერბურგის უნივერსიტეტში ლექციებს ქართველი ერის ისტორიის სხვადასხვა დარგიდან, ქართულად და რუსულად. მისი ინტენსიური სამეცნიერო მუშაობა 1903-1917 წლებში დიდ წარმატებით შედეგებს იძლეოდა. ამ წლებში დასწერა მან თავისი სადისერტაციო შრომა „ძველი საქართველოს და ძველი სომხეთის სახელმწიფო წყო-



სიმონ ჯანაშია და ივანე ჯავახიშვილი, არმაზი



ბილგა“ (პეტერბურგი. 1905წ. რუსულად), რომელმაც მალაღობა შეფასება მიიღო რეცენზენტების – ნ. მარისა და ვ. ბარტოლომი-სა. რეცენზენტები აღნიშნავენ სადისერტაციო შრომაში „საკითხების ნათელსა და ზედმინევის დაყენებას, სისწორეს კვლევის გეზისა, რომელიც დასმული საკითხების გადასაჭრელად იყო არჩეული, და მთავარი დებულებების საფუძვლიანობას“ (იხ. პეტერბურგის უნივერსიტეტის საქმეთა ფონდი 14).

1913-1914 წლებში, 37 წლის ახალგაზრდა მეცნიერს უკვე შემუშავებული ჰქონდა გარკვეული ისტორიული კონცეფცია ქართველი ერის თავგადასავალზე, მისი ისტორიის დასაბამიდან ვიდრე XIII საუკუნემდე („ქართველი ერის ისტორიის“ მეორე ნიგნი თავდება თამარ მეფის გარდაცვალებით). ეს „ისტორია იყო აგებული წყაროების, ქართულისა და უცხოურის (ბერძნულის, სომხურის, ასურულის, არაბულის და სხვ.), საფუძვლიანსა და კრიტიკულ შესწავლაზე; ეს „ისტორია“ იყო აგებული საქართველოს ისტორიის ძირითადი წყაროს, „ქართლის ცხოვრების“ სრულიად ახალი თვალსაზრისით შესწავლაზე, სახელდობრ იმ თვალსაზრისით, რომ იგი („ქართლის ცხოვრება“) წარმოადგენს სხვადასხვა ისტორიკოსთა ნაწარმოებების კრებულს და, მაშასადამე, იგი უნდა გამოვიყენოთ არა საერთო მიდგომით თითოეული ისტორიკოსისადმი. ივანე ჯავახიშვილმაც ზედმინევისთვის შეისწავლა „ქართლის ცხოვრებაში“ შემავალი საისტორიო თხზულებები და მათ ავტორებს ზოგს მეტი ნდობა გამოუცხადა, ზოგს ნაკლები.

1917 წლის მაისში, ქართული უნივერსიტეტის დამფუძნებელ კრებაზე ნაკითხულ მოხსენებაში ივანე ჯავახიშვილი ამბობდა: „რასაკვირველია ჯერ კიდევ ბევრი შრომა და მხნეობა საჭირო, ქართული მეცნიერებისა და აზროვნების აყვავებამდის ჯერ კიდევ ბევრი რამე გვაკლია, მაგრამ ყველა გრძნობს, რომ შესაძლებელია ქართულმა აზროვნებამ და ენამ წინანდებურად ლაღად ფრთა გაშალოს, ქართველობამ კვლავ აზროვნების უმწვერვალეს სფერომდე აღმაფრენა შეიძლოს და თავის ამ სულიკვებითა თვის შესაფერისად მოქნილი და მდიდარი ენა შექმნას; ხოლო თუ ჩვენ გვინდა, რომ ამ ჩვენს აღორძინებას მტკიცე საფუძველი ჰქონდეს, ფესვები მაგრად გაიდგას და უხვად გაიფურჩქნოს, უნდა დაუყოვნებლივ ჩვენს თანამედროვე ვითარებას ჩაუვუკვირდეთ და საქმის შესატყვისი სამოქმედო გეგმა შევიფუძოთ, რომლის განსახორციელებლად არაფერი უნდა დაგზოვდეს და არავითარი დაბრკოლების წინაშე არ უნდა შევდრკეთ. ცხადზე უცხადესია, რომ თუ ჩვენ გვსურს ჩვენი ერის გონებრივსა და კულტურულს ნორმს აღორძინებას ფესვები გავუმაგროთ, მთელი ჩვენი ძალისხმევით ქართული მეცნიერების შექმნას და აყვავებას უნდა ხელი შევუწყოთ“ (გაზ. „სახალხო საქმე“, 1917 წ. №63).

აი, ამ მუდამ წარმატებაში მყოფი მეცნიერების, ქართული მეცნიერების შექმნაზე და აყვავებაზე ზრუნავდა ის იმთავითვე. ამით აიხსნება, რომ ივანე ჯავახიშვილი ქართულად სწერს

თავის ძირითად გამოკვლევებს („საქართველოს ეკონომიკური ისტორია“, „ქართველი ერის ისტორია“, „ძველი ქართული საისტორიო მწერლობა“) და პეტერბურგის უნივერსიტეტში რუსულთან ერთად ქართულადაც ჰკითხულობდა ლექციებს. ადვილი წარმოსადგენია, თუ რა ძნელი საქმე იქნებოდა მამინდელ თვითმპყრობელურ რუსეთში სახელმწიფო მოხელისათვის, „სანქტპეტერბურგის საიმპერატორო უნივერსიტეტის“ პრივატ-დოცენტისთვის უნივერსიტეტის აუდიტორიაში სავალდებულო ლექციების კითხვა ქართულად. მაგრამ ივანე ჯავახიშვილი მინც განაგრძობდა ამ გზით მოღვაწეობას, რადგან მას კარგად ჰქონდა გათვალისწინებული, თუ რაოდენ საჭირო იყო ქართული სამეცნიერო ტრადიციების შესაქმნელად ქართველი სტუდენტობისთვის ქართულად ლექციების კითხვა.

1907-1914 წლების ქართულ ჟურნალ-გაზეთებში მოიპოვება აუარებელი მასალა ივანე ჯავახიშვილის მიერ თბილისში ნაკითხულ საჯარო მოხსენებათა შესახებ, და ჩვენ იქიდან ვცხოვრობთ, თუ როგორ ითვისებდა ხალხი ივანე ჯავახიშვილის მოხსენებათა წყალობით ქართული საისტორიო მეცნიერების მიღწევებს... ივანე ჯავახიშვილი უნერგავდა მსმენელთა ღრმა სიყვარულს საქართველოსადმი და მისი კულტურისადმი.

გაზეთის მიმომხილველი წერს: „ქართველებმა მიღწეის მიზანს – ამბობდა ლექტორი – და ბერძნებს არაფერში ჩამორჩენენ, თუ არ გადააჭარბეს კიდევ. ამ ხანში საქართველოს ყველა კუთხის მკვიდრი ისე მჭიდროდ იყვნენ შეკავშირებულნი, ისე იყვნენ გამსჭვალულნი საერთო საქართველოს გადიდების სურვილით, რომ სხენება არც-კი იყო არავითარ იმერლობა ამერლობისა და სხვა ამის მსგავს რისამე, რომელიც ჩვენდა სამარცხვინოდ დღესაც სავსებით არ გამქრალა. საქართველოდან სამი ათას ვერსით მოშორებულს, სადაც სინას ხრიოკ მთაზე გადახვენილ ქართველს, რომელსაც კულტურულ შრომისა და ხასიათის განმტკიცებისთვის უარყო ცოლშვილი, მტერ-მოყვარე, საკუთარი მინა-წყალი, იქ, იმ უდაბნოში, სხვა არა ახსოვდა რა გარდა საქართველოსი. სინას მთაზე მოიპოვება ერთი ქართული ლოცვანი, სადაც სწერია შემდეგი კვერქესი: „საქართველოს სამეფოს გაძლიერებისთვის, საზღვრების განმტკიცებისთვის, ერისთავთა დაწყნარებისთვის უფლისა მიმართ ვილოცოთ“...“

ივანე ჯავახიშვილის ასეთმა მუშაობამ (ერთის მხრით, სტუდენტთა შორის, ხოლო მეორე მხრით ქართული საზოგადოების ფართო წრეებში) შეამზადა ნიადაგი ქართული მეცნიერების აღორძინებისათვის და ქართული უმაღლესი სასწავლებლის დაარსებისათვის.

1917 წლის თებერვლის რევოლუციის პირველ თვეებში მან ჩამოაყალიბა პეტროგრადშივე ქართული უნივერსიტეტის დაარსების საინიციატივო ჯგუფი, ხოლო თბილისში დაბრუ-

ნების შემდეგ დააარსა „ქართული უნივერსიტეტის საზოგადოება“, რომლის დამფუძნებელ კრებაზე 1917 წლის 12 მაისს ნაიკითხა ვრცელი მოხსენება „უნივერსიტეტის დაარსების აუცილებლობის შესახებ“.

1918 წლის 26 იანვარს (8 თებერვალს) გაიხსნა თბილისის ქართული უნივერსიტეტი მხოლოდ ერთი ფაკულტეტით (სიბრძნისმეტყველების ფაკულტეტი) და ამ ფაკულტეტის დეკანად პროფესორთა საბჭოს მიერ ივანე ჯავახიშვილი იქნა არჩეული.

ერთი წლის შემდეგ (1919 წელს) ივანე ჯავახიშვილი არჩეულ იქნა უნივერსიტეტის რექტორის თანამდებობაზე. მიუხედავად დატვირთვისა, მას იოტის ოდნავადაც არ შეუწელებია თავისი კვლევითი მუშაობა. დღიდან უნივერსიტეტის დაარსებისა და განსაკუთრებით 1921 წლიდან, ივანე ჯავახიშვილი ყოველწლიურად აქვეყნებდა კაპიტალურ ნაშრომებს (ქართველი ერის ისტორიის შესავალი, პირველი და მეორე ტომები, ქართული სამართლის ისტორიის სამი ტომი, ქართული მუსიკის ისტორია და სხვ.). გარდა თბილისის სახელმწიფო უნივერსიტეტისა ივანე ჯავახიშვილი მუშაობდა აგრეთვე საქართველოს მუზეუმში, სადაც ხელმძღვანელობდა (1926 წლიდან) ისტორიულ განყოფილებას და მეცნიერებათა აკადემიის საქართველოს ფილიალის ენის, ისტორიისა და მატერიალური კულტურის ისტორიის ინსტიტუტში, ხოლო 1937 წლიდან აგრეთვე რუსთაველის მუზეუმში, რომლის დირექტორი იყო უკანასკნელ წუთამდე.

შესანიშნავი მეცნიერი დაუღალავად, უდიდესი სიყვარულით მუშაობდა თავისი ქვეყნის ისტორიული ძეგლების შესწავლაზე, ახდენდა უდიდესი მნიშვნელობის აღმოჩენებს, აწარმოებდა არქეოლოგიურ გათხრებს (დმანისი, ბოლნისი, მცხეთა, არმაზი). ამასთანავე იგი მზრუნველობით ზრდიდა მეცნიერთა ახალ კადრებს, უშუალოდ ხელმძღვანელობდა მრავალ მეცნიერულ საქმიანობას.

ივანე ჯავახიშვილმა დაგვიტოვა მდიდარი მეცნიერული მემკვიდრეობა. დღემდე დაბეჭდილია 93 ნაშრომი, რომელთაგან 32 ნიგნად არის გამოცემული. მაგრამ მას აღარ დასცალდა ბოლომდე მიეყვანა ყველა თავისი განზრახვა. საბრძოლო პოსტზე მოულოდნელად მოუსწრო სიკვდილმა, თავისი მეგობრებისა და მოწაფეების თვალწინ, 1940 წლის 18 ნოემბერის საღამოს 10 საათზე, როდესაც ის კითხულობდა სამეცნიერო მოხსენებას თემაზე „ფილოლოგიური მეცნიერების მიზნები და ქართული ლიტერატურული ძეგლები“.

გადაუჭარბებლად შეიძლება ითქვას, რომ ივანე ჯავახიშვილი არის ქართველი ხალხის – ერთ-ერთი უძველესი ხალხის, მეცნიერული ისტორიის შემქმნელი... მან მთელი თავისი ნათელი სიცოცხლე შესწირა ქვემარტივ მეცნიერების სამსახურს, მშრომელი ხალხის სამსახურს.

მომზადებულია 1948 წელს ჟურნალ „მნათობში“ გამოქვეყნებული სიმონ ყაუხჩიშვილის ვრცელი მონოგრაფიის მიხედვით

ახალი ნიგნი

სახელმძღვანელო „განათლების მეცნიერების შესახებ“

რეცენზია

შავი ზღვის საერთაშორისო უნივერსიტეტის გამომცემლობამ გამოსცა განათლების მეცნიერების დოქტორის, პროფესორ ნათელა დოლონაძის სახელმძღვანელო „განათლების მეცნიერება“.

ნიგნი აღნიშნული დარგის 14 თემადაა დაყოფილი და განათლების მეცნიერების თითქმის ყველა მიმართულებას მოიცავს, როგორც: მასწავლებლის საქმიანობა, განათლების ფილოსოფია, სასწავლო პროცესი, შეფასება საგანმანათლებლო პროცესში, კანონმდებლობა განათლების შესახებ და ა.შ.

სახელმძღვანელო, რომელიც ავტორის პუბლიკაციების მიხედვითაა აგებული, გამიზნულია და გამოსადეგია მასწავლებლის მომზადების პროგრამებისა და განათლების მიმართულების მაგისტრატურის სტუდენტებისთვის. თავიდანვე უნდა აღინიშნოს, რომ მონოგრაფიის მალალ სამეცნიერო სანდობასა და ღირებულებას უზრუნველყოფს ავტორის ცოდნა და გამოცდილება განათლების მეცნიერების მიმართულებით მოღვაწეობისა და კვლევის თვალსაზრისით.

ყოველი თემა ლაკონურად და ლოგიკურად გადმოგვცემს შესაბამის აუცილებელ ინფორმაციას. მათში როგორც ქართულ, ასევე უცხოურ წყაროებზე, განათლების დარგში მრავალ სანდო კვლევასა და ავტორის მოსაზრებებზე დაყრდნობით, მოცემულია ის მასალა, რომელიც აუცილებელია ამ სფეროთი დაინტერესებული ნებისმიერი პირისთვის. საჭიროების შემთხვევაში ავტორისეული იდეები და პოსტულატები ილუსტრირებულია სათანადო მაგალითებით, მათ შორის სტატისტიკური მონაცემებით. ნიშანდობლივია, რომ მაგალითები მოხმობილია როგორც ქართული, ასევე უცხოური ქვეყნების რეალობიდან, ხშირად, საკითხის უკეთ გააზრებისთვის, ისინი ერთმანეთთან შედარებულ-შეპირისპირებულია. ყველა პრობლემა, რომელიც შესაძლოა არსებობდეს ან არსებობს ქვეყნის საგანმანათლებლო სისტემაში, ახალი რაკურსითაა დანახული, განსაკუთრებით კი განათლების სისტემისა და სოციუმის ურთიერთმიმართება.

სახელმძღვანელოს უდავო ღირებულებას წარმოადგენს

ის, რომ მასში მკაფიოდ და თანმიმდევრულადაა გადმოცემული ის უახლესი მიღწევები, რომელიც არსებობს თანამედროვე განათლების მეცნიერებასა და მის მომიჯნავე სფეროებში, როგორც: სოციოლოგია, ფსიქოლოგია, ფილოსოფია და ა.შ. ეს მიღწევები ხშირად ისტორიულ ჭრალშია ნაჩვენები, ე.ი. წარმოჩენილია, თუ როგორ მივიდა სამეცნიერო საზოგადოება ამა თუ იმ იდეამდე.

ნიგნის „განათლების მეცნიერება“ განსაკუთრებული ფასეულობაა ის, რომ იგი უაღრესად საჭირო და სასარგებლო ინფორმაციასა და რჩევებს შეიცავს ნებისმიერი პედაგოგისთვის, განსაკუთრებით დამწყებთათვის, მათი კარიერის წარმატებით წარმართვისათვის, ასევე მშობლებისა და სწავლების პროცესში ჩართული ნებისმიერი პირისთვის, რათა ისინი სიღრმისეულად ერკვეოდნენ პიროვნების ასაკობრივ და ფსიქონტელექტუალურ თავისებურებებში და სათანადოდ წარმართონ აღზრდა-განათლების პროცესი.

სახელმძღვანელო ერთგვარი მცირე ენციკლოპედიაა, ცნობარს განათლების მეცნიერების დარგში. ამის თქმის საშუალებას ისიც იძლევა, რომ მასში მოცემულია დარგის როგორც უახლესი, ასევე დამკვიდრებული ცნებები, ტერმინები, უმეტეს შემთხვევაში თავისი განმარტებებით, რაც ნებისმიერ პიროვნებას მისცემს საშუალებას, გაეცნოს ტექსტს.

ნიგნის კიდევ ერთი დადებითი მხარე, რომელიც ზემოთ აღნიშნულს უკავშირდება, ისაა, რომ ტექსტი გასაგები, თემატიკის მიხედვით მეგობრულ-დამრიგებლური, გასაგებად აკადემიური ხელწერითაა შესრულებული, ასევე, იმდენად მართებულადაა დაყოფილი ქვეთავებად, პუნქტებად და ზომიერად გაჯერებული ცხრილებითა და სქემებით, რომ გიზუალურადაც ადვილად აღსაქმელია მკითხველისთვის. ყოველი თემა სრულდება სათანადო სამინაო დავალებებით. ნიგნს ასევე ერთვის კომპაქტდისკზე განთავსებული ელექტრონული და აუდიოვერსიები, სლაიდების კომპლექტი სალექციო პროსისთვის.

დაბეჭდვითი შეიძლება ითქვას, რომ პროფესორ ნათელა დოლონაძის „განათლების მეცნიერება“ დროული და აუცილებელია ქართული რეალობისთვის, რადგან მასწავლებლებსა და სასწავლო დაწესებულების ადმინისტრირება-



ზე პასუხისმგებელ პირებს, ენობრივი ბარიერის გამო, ხშირად არ აქვთ წვდომა იმ უახლეს ფასეულ ინფორმაციაზე, რომლის გარეშეც რთულია განათლების დარგში ეფექტურად საქმიანობა.

როგორც თავიდანვე აღვნიშნეთ, მოცემული სახელმძღვანელო განათლების მეცნიერების შემსწავლელთათვისაა განკუთვნილი, თუმცა, მისი შინაარსიდან, თემატიკიდან, ენობრივი ხელმისაწვდომობიდან გამომდინარე ნამდვილი შენაძენია, სამაგიდო ნიგნია ნებისმიერი ოჯახისთვის, ნებისმიერი ადამიანისთვის, ვისაც აინტერესებს განათლების დარგი.

ლია თოდუა
განათლების მეცნიერებათა დოქტორი

უმაღლესი საგანმანათლებლო პროგრამებისათვის დარგობრივი მახასიათებლები მუშავდება

უმაღლესი განათლების ხარისხის გაუმჯობესების ერთ-ერთ ძირითად სტრატეგიულ მიზანს წარმოადგენს დარგობრივი მახასიათებლის/სტანდარტების შექმნა, რომლის მიხედვითაც უმაღლესი საგანმანათლებლო დანერგული პროგრამები და საერთაშორისო დონაზე თავსდება საგანმანათლებლო პროგრამების შექმნა.

ამ თემაზე საუბრობს ეკატერინე ნაცვლიშვილი, სსიპ განათლების ხარისხის განვითარების ეროვნული ცენტრის, პროფესიული და უმაღლესი განათლების დარგობრივი საბჭოს აღმინისტრაციული მხარდაჭერისა და შესაძლებლობების გაძლიერების ხელშეწყობის პროგრამის მენეჯერი.

რა აუცილებლობით იყო ნაკარნახევი უმაღლესი საგანმანათლებლო პროგრამების დარგობრივი მახასიათებლების შემუშავება და რა წინაპირობა უძღოდა ამ გადაწყვეტილების სისრულეში მოყვანას?

საქართველოში უმაღლესი განათლების ხარისხის უზრუნველყოფის სისტემის რეფორმის ერთ-ერთი მნიშვნელოვანი ელემენტია უმაღლესი საგანმანათლებლო პროგრამების დარგობრივი მახასიათებლების (მატერიალური, ტექნიკური, ადამიანური) და სხვა არსებით მახასიათებლებს, რომლებიც საკვლევებელი აკადემიური საფეხურის საგანმანათლებლო პროგრამით განსაზღვრული სწავლის შედეგების მიხედვით, მაშასადამე, უმაღლესი საგანმანათლებლო პროგრამების დარგობრივი მახასიათებლების შემუშავება, თავის მხრივ, მნიშვნელოვნად შეუწყობს ხელს ხარისხის უზრუნველყოფის სტანდარტებისა და პროცედურების განახლებას და მათ მოყვანას ევროპის უმაღლესი განათლების სივრცის მოთხოვნებთან (ESG 2015) შესაბამისობაში.

სსიპ განათლების ხარისხის განვითარების ეროვნულმა ცენტრმა, 2017 წელს, დარგობრივი მახასიათებლების შემუშავების მიმართულებით, მნიშვნელოვანი ნაბიჯები გადადგა: დამტკიცდა პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების ხელშეწყობის პროგრამა, რომელსაც დარგობრივი საბჭოების საქმიანობის კოორდინაცია და უმაღლესი საგანმანათლებლო პროგრამების დარგობრივი მახასიათებლების შემუშავების პროცესის ხელშეწყობა დაევა; საერთაშორისო გამოცდილების შესწავლა-ანალიზისა და უცხოელ ექსპერტებთან კონსულტაციის შედეგად, შეიქმნა დარგობრივი მახასიათებლის შემუშავების მეთოდოლოგია, რომლის საფუძველზეც დამტკიცდა უმაღლესი განათლების დარგობრივი მახასიათებლის შემუშავების, ცვლილების შეტანისა და გაუქმების წესი; უმაღლესი განათლების დარგობრივი მახასიათებლის დაკომპლექტებისა და შემდგომი საქმიანობის სამართლებრივი უზრუნველყოფის

მიზნით, შემუშავდა უმაღლესი განათლების დარგობრივი საბჭოების დებულება, რომლის საფუძველზეც განისაზღვრა საბჭოს საქმიანობის მიზანი და ფუნქციები, შემადგენლობა და ფორმირების წესი; დაინტერესებულ მხარეებთან (საგანმანათლებლო დაწესებულებები, სამეცნიერო-კვლევითი ინსტიტუტები, დარგობრივი სამინისტროები და უწყებები, ასოციაციები) მჭიდრო თანამშრომლობის საფუძველზე, გასულ წელს, 6 მიმართულების უმაღლესი განათლების დარგობრივი საბჭო შეიქმნა და დაიწყო მუშაობა შესაბამისი მიმართულების დარგობრივი მახასიათებლებზე.

რომელი დარგები განისაზღვრა პრიორიტეტებად და რა მიზნით?

სამოქმედო პრიორიტეტად განისაზღვრა დარგობრივი მახასიათებლების შემუშავება რეგულირებადი პროფესიების საგანმანათლებლო პროგრამებისათვის. შედეგად, 2017 წელს დარგობრივი მახასიათებლები „საზღვაო ნავიგაციის“, „საზღვაო ინჟინერიის“, „საზღვაო ელექტრო ინჟინერიის“, „მედიცინის“, „მასწავლებლის განათლების“, „ვეტერინარიის“ საგანმანათლებლო პროგრამებისათვის შეიქმნა.

საზღვაო ტრანსპორტის სფეროში დარგობრივი მახასიათებლების შემუშავების და ამოქმედების აუცილებლობა განაპირობა საერთაშორისო ხელშეკრულების საფუძველზე წარმოშობილი ვალდებულებებმა, აგრეთვე, საზღვაო ტრანსპორტის დარგის განვითარების მიზნით, ეროვნულ და საერთაშორისო დონეზე თავსებადი უმაღლესი საგანმანათლებლო პროგრამების შემუშავება-განხორციელების საჭიროებამ. ევროპის საზღვაო უსაფრთხოების სააგენტოს მიერ, 2012 წელს ჩატარებული აუდიტის (რომელმაც შეისწავლა საქართველოში მეზღვაურთა მომზადებისა და წვრთნის პროგრამის შესაბამისობა „მეზღვაურების მომზადების, დიპლომირებისა და ვახტის განვითარების შესახებ“ საერთაშორისო კონვენციის (STCW-1978/95, 2010-ის ცვლილებების გათვალისწინებით) და საერთაშორისო საზღვაო ორგანიზაციის (IMO) სტანდარტებთან) ანგარიშის საფუძველზე, შეტანილი იქნა ცვლილება უმაღლესი განათლების შესახებ საქართველოს კანონში და 75-ე მუხლის შესაბამისად, საზღვაო სფეროს საგანმანათლებლო პროგრამები რეგულირებადი საგანმანათლებლო პროგრამების ნუსხაში შევიდა. ზემოაღნიშნულმა გარემოებამ დღის წესრიგში დააყენა, საზღვაო სფეროს საგანმანათლებლო პროგრამების აკრედიტაციის ხელშეწყობის მიზნით, ერთიანი საგანმანათლებლო სტანდარტის – დარგობრივი მახასიათებლის – შემუშავება, რომელიც, საერთაშორისო სტანდარტებზე დაყრდნობით, განსაზღვრავს მეზღვაურთა განათლებისა და წვრთნის მიზნებს, კომპეტენციის ფარგლებს, საკვლევებლო მისაღწევ სწავლის შედეგებსა და მათი მიღწევის სპეციფიკურ მეთოდებს, აგრეთვე, საკვლევებლო მინიმალურ მოთხოვნებს მატერიალურ-ტექნიკური ბაზისა თუ ადამიანური რესურსისადმი. ამ მიზნით შეიქმნა ტრანსპორტის მიმართულების უმაღლესი განათლების დარგობრივი საბჭო, რომელიც დაკომპლექტდა ტრანსპორტის სფეროს საგანმანათლებლო პროგრამების განმარტაციის ხელშეწყობის უმაღლესი საგანმანათლებლო დაწესებულებების, სამეცნიერო-კვლევითი ინსტიტუტების, საქართველოს ეკონომიკისა და მდგრადი განვითარების სამინისტროს სსიპ – საზღვაო ტრანსპორტის სააგენტოს, სსიპ – სამოქალაქო ავიაციის სააგენტოს, სსიპ – სახმელეთო ტრანსპორტის სააგენტოს მიერ რეკომენდებული დარგის მაღალკვალიფიციური სპეციალისტებით. სამუშაო ჯგუფის ინტენსიური მუშაობის შედეგად, შეიქმნა და საბჭოს განსახილველად წარედგინა „საზღვაო ნავიგაციის“, „საზღვაო ინჟინერიის“ და „საზღვაო ელექტრო ინჟინერიის“ უმაღლესი განათლების დარგობრივი მახასიათებლები. საბჭოს წევრებმა მაღალი შეფასება მისცეს დარგობრივი მახასიათებლების

წარმოდგენილ პროექტებს, დაადასტურეს მათი მაღალი ხარისხი, სრული შესაბამისობა საერთაშორისო კონვენციის მოთხოვნებთან და უმაღლესი განათლების ევროპული კვალიფიკაციის ჩარჩოსთან, ერთხმად დაუჭირეს მხარი პროექტების დამტკიცების რეკომენდაციას.

რამ გამოიწვია მედიცინისა და პედაგოგიის სფეროში მოქმედი ერთიანი საგანმანათლებლო სტანდარტის განახლება?

მედიცინის მიმართულების დარგობრივი მახასიათებლების განახლების აუცილებლობაც განპირობებულია საერთაშორისო ხელშეკრულების საფუძველზე წარმოშობილი ვალდებულებებით, მედიცინის დარგის განვითარების მიზნით, ეროვნულ და საერთაშორისო დონეზე თავსებადი უმაღლესი საგანმანათლებლო პროგრამების სამედიცინო განათლების მსოფლიო ფედერაციის სტანდარტებთან (WFME), თუნიუნგის სახელმძღვანელოსთან (A TUNING Guide to Designing and Delivering an Outcomes-Based Undergraduate Medical Curriculum) და სხვა მნიშვნელოვან რეგულაციებთან შესაბამისობაში შემუშავება-განხორციელების და სამედიცინო საგანმანათლებლო პროგრამების საერთაშორისო აკრედიტაციის მოპოვების საჭიროებით. მედიცინის ინტეგრირებული საბაკალავრო-სამაგისტრო (360-კრედიტიანი) საგანმანათლებლო პროგრამებისათვის დარგობრივი მახასიათებლის შესაბამისობა შეიქმნა მედიცინის მიმართულების უმაღლესი განათლების დარგობრივი საბჭო, რომელიც დაკომპლექტდა 11 უმაღლესი საგანმანათლებლო დაწესებულების, სამეცნიერო-კვლევითი ინსტიტუტების, საქართველოს შრომის, ჯანმრთელობისა და სოციალური დაცვის სამინისტროს, სსიპ სამედიცინო საქმიანობის სახელმწიფო რეგულირების სააგენტოს მიერ წარმოდგენილი დარგის მაღალკვალიფიციური სპეციალისტებით. მედიცინის მიმართულების უმაღლესი საგანმანათლებლო პროგრამების დარგობრივი მახასიათებლის პროექტის დამტკიცებას წინ უძღოდა სამუშაო ვერსიის საჯარო განხილვები, აგრეთვე, საერთაშორისო ექსპერტიზა. პროექტის სამუშაო ვერსია განსახილველად გადაეგზავნა მსოფლიო სამედიცინო განათლების ფედერაციის მრჩეველს, საერთაშორისო ექსპერტს, თიუფი ნავარს. ბ-ნი ნავარი, სსიპ განათლების ხარისხის განვითარების ეროვნულ ცენტრში თავისი სამუშაო ვიზიტის ფარგლებში, შეხვდა დარგობრივი საბჭოს წევრებს, უშუალოდ ჩაერთო დარგობრივი მახასიათებლის სამუშაო ვერსიის განხილვის პროცესში და საკუთარი მოსაზრებები გააცნო. საერთაშორისო ექსპერტმა დარგობრივი მახასიათებლის პროექტს მაღალი შეფასება მისცა და საერთაშორისო მოთხოვნებთან და ევროპული კვალიფიკაციების ჩარჩოსთან მისი შესაბამისობა დაადასტურა. გარდა აღნიშნულისა, დარგობრივი მახასიათებლის პროექტის დამტკიცებას, სსიპ განათლების ხარისხის განვითარების ეროვნულ ცენტრში, სამუშაო ჯგუფის მიერ წარმოდგენილი პროექტის საჯარო განხილვები შედგა. განხილვის პროცესში, დაინტერესებულ მხარეთა (უმაღლესი საგანმანათლებლო დაწესებულებათა წარმომადგენლების, დამსაქმებლების, დარგის პრაქტიკოსი-ექსპერტების) მიერ შეთავაზებული სარეკომენდაციო წინადადებები ასახულ იქნა მედიცინის მიმართულების დარგობრივი მახასიათებლის დასრულებულ პროექტში.

მასწავლებლის საქმიანობის დანერგვის, პროფესიული განვითარებისა და კარიერული წინსვლის“ სქემამ, რომელიც საქართველოს მთავრობამ 2015 წლის თებერვალში დაამტკიცა, მასწავლებლის მომზადების ინტეგრირებული საბაკალავრო-სამაგისტრო (300-კრედიტიანი) პროგრამის შემუშავების აუცილებლობა განსაზღვრა. აღნიშნულის გათვალისწინებით, გრძელვადიანი საუნივერსიტეტო პედაგოგიური განათლების რეფორმის ფარგლებში, ერთ-ერთ მნიშვნელოვან ამოცანად დაისახა 2018-2019 სასწავლო წლიდან მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამების ამოქმედება. ამ გარემოებამ „მასწავლებლის განათლების“ უმაღლესი განათლების დარგობრივი მახასიათებლის შემუშავების აუცილებლობა წამოჭრა, რადგან მკაფიოდ გამოიკვეთა არსებული საუნივერსიტეტო საგანმანათლებლო პროგრამების მასწავლებლის განათლებისადმი წაყენებულ ახალ მოთხოვნებთან შესაბამისობაში მოყვანის, აგრეთვე, ეროვნულ და საერთაშორისო დონეზე თავსებადი უმაღლესი საგანმანათლებლო პროგრამების შემუშავება-განხორციელების საჭიროება. მასწავლებლის განათლების საკითხის აქტუალობის გათვალისწინებით, მასწავლებლის მომზადების ინტეგრირებული საბაკალავრო-სამაგისტრო (300-კრედიტიანი) პროგრამებისათვის დარგობრივი მახასიათებლის შემუშავება-განხილვის პროცესიც დაინტერესებულ მხარეთა ფართო ჩართულობით წარიმართა. შეიქმნა განათლების მიმართულების დარგობრივი საბჭო, რომლის შემადგენლობაც 11 უმაღლესი საგანმანათლებლო დაწესებულების, სამეცნიერო-კვლევითი ინსტიტუტების, საქართველოს განათლებისა და მეცნიერების სამინისტროს, სსიპ მასწავლებელთა პროფესიული განვითარების ეროვნული ცენტრის, სსიპ შოთა რუსთაველის ეროვნული სამეცნიერო ფონდის, კერძო სკოლების ასოციაციის, კერძო და საჯარო სკოლების მიერ წარმოდგენილი დარგის მაღალკვალიფიციური სპეციალისტებით დაკომპლექტდა. საბჭოს წევრების გარდა, „მასწავლებლის განათლების“ დარგობრივი მახასიათებლის შემუშავების პროცესში აქტიურად ჩაერთნენ დაინტერესებული მხარეები: დარგის მაღალკვალიფიციური





განათლების სარისხის განვითარების პროექტი

სპეციალისტები, მონვეული პრაქტიკოსები და ექსპერტები, მათ შორის, გაეროს ბავშვთა ფონდის (UNICEF) პროგრამის „საქართველო-ესტონეთის თანამშრომლობა განათლების სფეროში“ წარმომადგენელი, საერთაშორისო ექსპერტი ენე-სილია სარვი. ქ-ნი სარვი, საქართველოში თავისი სამუშაო ვიზიტის ფარგლებში, არა მხოლოდ შეხვდა დარგობრივი საბჭოს წევრებს, არამედ, სამუშაო ჯგუფის წევრებსა და სხვა დაინტერესებულ მხარეებთან ერთად, უშუალოდ ჩაერთო დარგობრივი მახასიათებლის პროექტის შემუშავება-განხილვის პროცესში. საერთაშორისო ექსპერტმა მალაი შეფასება მისცა დარგობრივი მახასიათებლის პროექტს და დაადასტურა მისი შესაბამისობა საერთაშორისო მოთხოვნებთან და ევროპული კვალიფიკაციების ჩარჩოსთან.

სავეტერინარო განათლების უმაღლესი საგანმანათლებლო პროგრამების დარგობრივი მახასიათებლის შემუშავების პრიორიტეტულობა განსაზღვრა საქართველოს პარლამენტის მიერ „უმაღლესი განათლების შესახებ საქართველოს კანონში“ 2017 წლის დეკემბერში განხორციელებულმა ცვლილებამ, რომლის თანახმადაც, სავეტერინარო განათლება რეგულირებადი გახდა. კანონის ჩანაწერის შესაბამისად, ვეტერინარიის საგანმანათლებლო პროგრამების განხორციელებელ საგანმანათლებლო დაწესებულებებს დაეკისრა ვალდებულება, 2018-2019 სასწავლო წლის დაწყებამდე, საგანმანათლებლო პროგრამები სავეტერინარო განათლებისადმი წაყვებულ ახალ მოთხოვნებთან შესაბამისობაში მოიყვანონ. აღნიშნულმა გარემოებამ განსაზღვრა დარგობრივი მახასიათებლების შემუშავების საჭიროება, ერთი მხრივ, სავეტერინარო განათლების ინტეგრირებული საბაკალავრო-სამაგისტრო (300-კრედიტიანი) პროგრამების საბაზის, მეორე მხრივ, 60-კრედიტიანი პროგრამებისათვის, რადგან დღის წესრიგში დადგა იმ პირთა საკითხი, რომლებსაც 240-კრედიტიანი საბაკალავრო პროგრამის გავლის შემდეგ მდინიჭათ ბაკალავრის აკადემიური ხარისხი. მიზანშეწონილია, მათთვის არსებობდეს ადეკვატური და ალტერნატიული გზა შემდგომი განათლების მიღებისა და პროფესიული საქმიანობის განხორციელებისათვის. ამ პრობლემის

აღმოფხვრას ემსახურება სწორედ კანონით გათვალისწინებული ვეტერინარიის 60-კრედიტიანი პროგრამის არსებობა, რომლითაც 2011 წლიდან დღემდე საბაკალავრო პროგრამის ყველა კურსდამთავრებულს, დამატებითი 60 კრედიტის გავლის შემდგომ, მიეცემა სერტიფიცირების და დოქტორანტიურაში სწავლების უფლება.

სავეტერინარო განათლების დარგობრივი მახასიათებლის შემუშავების პროცესიც დაინტერესებულ მხარეთა ფართო ჩართულობით წარიმართა. ვეტერინარიის მიმართულების უმაღლესი განათლების დარგობრივი საბჭოსა და სამუშაო ჯგუფის შემადგენლობა დაკომპლექტდა დარგის მაღალკვალიფიციური სპეციალისტებით: უმაღლესი საგანმანათლებლო დაწესებულებების, საქართველოს სოფლის მეურნეობის სამინისტროს სოფლის მეურნეობის სამეცნიერო-კვლევითი ცენტრის, საქართველოს სოფლის მეურნეობის მეცნიერებათა აკადემიის, საქართველოს სოფლის მეურნეობის სამინისტროს სოფლის მეურნეობისა და სურსათის დეპარტამენტის სურსათის უვნებლობის სამმართველოსა და ვეტერინარული კონტროლის სამმართველოს, სსიპ სურსათის ეროვნული სააგენტოს ვეტერინარიის დეპარტამენტის ვეტ-სანიტარული ზედამხედველობის სამმართველოს, სსიპ სოფლის მეურნეობის სამინისტროს ლაბორატორიის, ცხოველთა დაავადებების დიაგნოსტიკის დეპარტამენტის პათომორფოლოგიური კვლევების და პარაზიტოლოგიის ლაბორატორიის, ვეტერინარ ექიმთა გაერთიანებული ასოციაციის, სამხრეთ კავკასიის ქვეყნების საერთაშორისო სავეტერინარო განათლების ასოციაციის წარმომადგენლებით. ვეტერინარიის დარგობრივი მახასიათებლის ექსპერტული შეფასების უზრუნველყოფის მიზნით, საქართველოს სოფლის მეურნეობის სამინისტროს შუამდგომლობით, დასრულებული პროექტი გადაეცა ჯანსაღი კოლორადოს უნივერსიტეტის პროფესორს, ამერიკის შეერთებული შტატების USDA-ის ცხოველთა ჯანმრთელობის პროგრამის კოორდინატორს, ქალბატონ დები რეინოლდს. საერთაშორისო ექსპერტმა შესრულებული სამუშაო დადებითად შეაფასა და დარგობრივი მახასიათებელში ასახული ინფორმაციის ვეტერინარიის განათლების ევროპული ასოციაციის (EAVE)

მიერ დადგინლ მოთხოვნებთან შესაბამისობა დაადასტურა.

როგორია ხარისხის განვითარების ეროვნული ცენტრის სამომავლო გეგმები ამ მიმართულებით?

ცენტრი კვლავ აგრძელებს უმაღლესი განათლების დარგობრივ მახასიათებლების პროექტების შემუშავება-განხილვას. ამ ეტაპზე ინტენსიური მუშაობა მიმდინარეობს სამართლის, მასწავლებლის მომზადების 60-კრედიტიანი და ვეტერინარიის 60-კრედიტიანი პროგრამებისათვის დარგობრივი მახასიათებლების პროექტებზე. უახლოეს პერიოდში დაგეგმილია დარგობრივი მახასიათებლების პროექტების შემუშავება ქართულ ენაში მომზადების; აგრონომიის; სასურსათო ტექნოლოგიების; სატყეო საქმის; საზოგადოებრივი ჯანდაცვის საგანმანათლებლო პროგრამებისათვის. აგრეთვე, 2018 წლიდან კანონით რეგულირებად პროფესიებად განსაზღვრული მიმართულებების შესაბამისი პროგრამებისათვის.

აღსანიშნავია ის გარემოებაც, რომ დარგობრივი საბჭოს სამუშაო ჯგუფის წევრთა აქტივობა მხოლოდ დარგობრივი მახასიათებლის პროექტის შემუშავება-განხილვით როდი შემოიფარგლება. დარგობრივი მახასიათებლების შემუშავების პროცესში უმაღლესი საგანმანათლებლო დაწესებულებების წარმომადგენელთა ფართო ჩართულობის მიუხედავად, პროექტის დამტკიცების შემდეგ, სსიპ განათლების ხარისხის განვითარების ეროვნული ცენტრი საგანმანათლებლო დაწესებულებებთან თანამშრომლობას უკვე საკონსულტაციო შეხვედრების ფორმატში აგრძელებს. ასევე, ყველა დაინტერესებულ დაწესებულებას აძლევს შესაძლებლობას, დარგობრივი მახასიათებლების საფუძველზე, საგანმანათლებლო პროგრამების შემუშავებასთან დაკავშირებულ საკითხებზე განმარტებები და რეკომენდაციები მიიღონ არა მხოლოდ ცენტრის უფლებამოსილ პირთაგან, არამედ უშუალოდ დარგობრივი მახასიათებლის პროექტზე მომუშავე საბჭოს წევრთაგან.

ესაუბრა ანა ფირცხალაიშვილი

პროფესიული განვითარება

გარე დაკვირვების კომპონენტი პილოტირებად ფართომასშტაბიან დანერგვაზე გადადის

ლალი ჯელაძე

მასწავლებელთა პროფესიული განვითარების ეროვნული ცენტრი, მასწავლებლის საქმიანობის დაწყების, პროფესიული განვითარებისა და კარიერული წინსვლის სქემის ფარგლებში, გარე დაკვირვების გავლის მსურველი უფროსი მასწავლებლის რეგისტრაციას აცხადებს. გარე დაკვირვება თეორიული ცოდნის პრაქტიკაში შემოწმებას ემსახურება, რომლის გავლაც უნევს უფროს მასწავლებელს წამყვანის სტატუსის მოსაპოვებლად.

რეგისტრაციის უფლება ექნება უფროს მასწავლებელს, რომელსაც სურს წამყვანი მასწავლებლის სტატუსის მოპოვება და რომელიც აკმაყოფილებს ქვემოთ ჩამოთვლილი მოთხოვნებიდან ერთ-ერთს: აქვს არანაკლებ 13 კრედიტულა, მათ შორის, მინიმუმ, 2 კრედიტულა მოპოვებული აქვს წამყვანი მასწავლებლის სტატუსის მოსაპოვებლად საჭირო აქტივობებიდან (2 სამოდულო გაკვეთილი ან კვლევა); უფროსი მასწავლებლის სტატუსი მინიჭებული აქვს დოქტორის ან მასთან გათანაბრებული აკადემიური ხარისხის მოპოვების შედეგად, განათლების მიმართულებით ან იმ დარგში/სპეციალობაში, რომლის შესაბამის საგანსაც ასწავლის ზოგადსაგანმანათლებლო დაწესებულებაში.

I ეტაპი – რეგისტრაცია

გარე დაკვირვების გავლის მსურველი პირი რეგისტრაციას ახორციელებს eschool-ის ელექტრონულ სისტემაში, სპეციალურ ბმულზე და აუცილებელია, რეგისტრაციის დროს შეავსოს შემდეგი ინფორმაცია:

- ა) საგანი, რომელსაც ასწავლის მასწავლებელი და რომელშიც სურს გარე დაკვირვების გავლა; ბ) კლასი, რომელშიც გეგმავს გარე დაკვირვებისთვის საგაკვეთილო პროცესის წარმართვას.

II ეტაპი – გაკვეთილის წარდგენა

რეგისტრაციის დასრულებიდან 1 თვის ვადაში, დარეგისტრირებული მასწავლებლების საათობრივი დატვირთვის გათვალისწინებით, მასწავლებელთა პროფესიული განვითარების ეროვნული ცენტრის დირექტორი, ინდივიდუალური ადმინისტრაციულ-სამართლებრივი აქტით, ამტკიცებს გარე დაკვირვების განხორციელების პერიოდს თითოეული მასწავლებლისთვის.

გარე დაკვირვებაზე დარეგისტრირებული მასწავლებლებისთვის, გრაფიკის დადგენას ეროვნული ცენტრი უზრუნველყოფს, ასევე, შესაბამისი ზოგადსაგანმანათლებლო დაწესებულებებისა და საქართველოს განათლებისა და მეცნიერების სამინისტროს ტერიტორიული ორგანოს – საგანმანათლებლო რესურსცენტრის ინფორმირებას.

გარე დაკვირვებაზე რეგისტრირებული მასწავლებელი, მისთვის განსაზღვრული პერიოდის დაწყებამდე, არანაკლებ 5 სამუშაო დღით ადრე, ვალდებულია, ელექტრონულ სისტემაში ატვირთოს შესაბამის პერიოდში მიყოლებით ჩასატარებელი 5 გაკვეთილის გეგმა, რომელთაგან ერთ-ერთზე განხორციელდება გარე დაკვირვება.

იმ შემთხვევაში, თუ მასწავლებელი გათვალისწინებულ ვადაში არ წარადგენს გაკვეთილის გეგმასა და მოთხოვნილ დოკუმენტაციას, მის გაკვეთილზე არ განხორციელდება გარე დაკვირვება. მასწავლებელი ვალდებულია, გაკვეთილის ჩატარება დაგეგმოს რეგისტრაციის დროს მითითებულ საგანსა და კლასში. მასწავლებლისთვის გაკვეთილის ჩატარების განსაზღვრული პერიოდის ან მასწავლებლის მიერ წარდგენილი ჩასატარებელი გაკვეთილის გეგმის ცვლილება დასაშვებია მხოლოდ საპატიო მიზეზის არსებობის შემთხვევაში, მასწავლებლის წერილობითი მიმართვის საფუძველზე, მასწავლებელთა პროფესიული განვითარების ეროვნული ცენტრის დირექტორის გადაწყვეტილებით.

მასწავლებელთა პროფესიული განვითარების ეროვნულმა ცენტრმა გარე დაკვირვების კომპონენტის პილოტირება, 2017 წელს, შიდა ქართლისა და იმერეთის რეგიონებში განახორციელა. პილოტირების რეჟიმში დარეგისტრირებული 105 მასწავლებლიდან გარე დაკვირვება 100-მა მასწავლებელმა გაიარა, რომელთაგან 86 დადებითად შეფასდა. 2018 წლის იანვარში, გარე დაკვირვების წარმატებით გავლის შედეგად, 42-მა მასწავლებელმა მოიპოვა წამყვანი მასწავლებლის სტატუსი, ხოლო 44 მასწავლებელს სტატუსის მოსაპოვებლად, სასწავლო წლის დასრულებამდე, დარჩენილი აქვს 1 ან 2 კრედიტულა დასავსებელი.

„პილოტირების პროცესმა წარმატებით ჩაიარა. ანალიზის შედეგად გამოვლენილი სუსტი მხარეები, ცვლილების სახით, შეფასების ინსტრუმენტებსა და გარე დაკვირვების წესში აისახა. ეს ცვლილებები მიმართულია პროცესის მაქსიმალურად ღია და ობიექტური წარმართვისაკენ. ასევე, გარე დაკვირვების შესახებ ინფორმირების მიზნით, ცენტრის წარმომადგენლები, მთელი საქართველოს მასშტაბით რეგისტრირებულ უფროს მასწავლებლებს, სკოლის დირექტორებს და რესურსცენტრის წარმომადგენლებს შეხვდებიან, რათა სასკოლო საზოგადოება დეტალურად გაეცნოს როგორც გარე დაკვირვების გავლის პროცედურებს, ისე შეფასების კრიტერიუმებსა და სხვა მნიშვნელოვან საკითხებს“ – განაცხადა მასწავლებელთა პროფესიული განვითარების ეროვნული ცენტრის დირექტორმა, გიორგი მანაბელმა სპეციალურ ბრიფინგზე.

ცენტრის დირექტორის მოადგილე მანანა რატიანი, ჩვენთან საუბრისას, ამბობს, რომ პილოტირების პროცესი, თავისთავად, იმიტომ ხორციელდება, რომ გამოვლინდეს ხარვეზები და პროცესების ფართომასშტაბიანად დანერგვამდე, შესაძლებელი გახდეს მათი დაკორექტირება: „პილოტირებამ გვიჩვენა რამდენიმე კომპონენტის ცვლილების აუცილებლობა. პირველი რუბრიკის შეცვლას ეხება, რაც გულისხმობს ცალკე, ერთ-ერთ კრიტერიუმად, მასწავლებლის საგნობრივი კომპეტენციის გამოყოფას.

გარე დაკვირვებელთა ნაწილი სამართლიანად აღნიშნავდა, რომ თეორიული შესაძლებლობაც არ არსებობდა იმისა, რომ უარყოფითად შეფასებულიყო იმ მასწავლებლის გაკვეთილი, რომელმაც საგანი კარგად არ იცოდა – შეიძლება შედგეს სწავლების კარგ მეთოდებს ფლობდა, პოზიტიური

გარემო იყო მის საკლასო ოთახში, მაგრამ, ამავდროულად, ბევრ შეცდომასაც უშვებდა საგნობრივი კომპეტენციის მიმართულებით, მიუხედავად ამისა, მისი გაკვეთილის ჩაგდება ძალიან რთული იქნებოდა. სწორედ აქედან გამომდინარე, აუცილებლად მივიჩნით, რომ ერთ-ერთი სფერო მიმართული ყოფილიყო მასწავლებლის საგნობრივი კომპეტენციაზე. შესაბამისად, დამტკიცდება რუბრიკა, რომელიც, ამავდროულად (შეიძლება გარე დაკვირვებასთან კავშირი არ აქვს), მასწავლებლების დიდი რაოდენობის ინტერესს წარმოადგენს. რუბრიკის დამტკიცების შემდეგ, ჩავატარებთ კონსულტირებას შეფასების ჯგუფებთან და ყველა სკოლას ვაცნობებთ, რომ სწორედ ამ შეცვლილი რუბრიკით უნდა ჩატარონ შიდა საგაკვეთილო დაკვირვებებიც. თუმცა განვმარტავ იმასაც, რომ აქამდე ჩატარებული შიდა საგაკვეთილო დაკვირვებების შედეგები არ შეიცვლება.

მეორე ცვლილება გარე დაკვირვებების რაოდენობას შეეხებოდა. საპილოტე რეჟიმში გაკვეთილის ორი გარე დაკვირვებელი ავასებდა: ერთი – ცენტრის მიერ დაქირავებული გარე დაკვირვებელი, ხოლო მეორე – მეზობელი სკოლის ფასილიტატორი, რომელსაც, ასევე, ცენტრთან ჰქონდა კონტრაქტი გაფორმებული და გაკვეთილს შეფასების უფლებით ესწრებოდა. ცვლილების შედეგად, გარე დაკვირვებელი იქნება მხოლოდ ერთი, ცენტრის მიერ დაქირავებული კვალიფიციური კადრი, რომელსაც საგაკვეთილო გამოცდილებაც აქვს, ამ მიმართულებით, სანდოა და მაღალი ავტორიტეტით გამოირჩევა. გარე დაკვირვება რომ ობიექტურად განხორციელდეს, ამისთვის გარე დაკვირვებელს სათანადოდ ვადავამზადებთ. ამავე გაკვეთილზე დასწრების უფლება ექნება ადგილობრივი სკოლის ფასილიტატორს და რესურსცენტრის წარმომადგენელს, მაგრამ, როგორც გითხარით, ის შეფასებაში მონაწილეობას ვერ მიიღებს. სიახლაც ისიც, რომ, ობიექტურობის მეტად დასაცავად, დაუშვით აპელაცია. პილოტირების პროცესში მასწავლებელს უარყოფითი შედეგის გაპროტესტების უფლება არ ჰქონდა, რადგან რუბრიკაში ეს მექანიზმი არ იყო ჩადებული. ცვლილების შედეგად კი, მასწავლებელს მისთვის არასასურველი შედეგის გაპროტესტების შესაძლებლობა ეძლევა.

დამკვირვებელთა რაოდენობის შემცირება გამოიწვია სტრესულმა მდგომარეობამ, რომელსაც მასწავლებელი უცხო პირების გაკვეთილზე დასწრების შედეგად იღებდა. აღმოჩნდა, რომ რაც უფრო მეტი ადამიანი შედის გაკვეთილზე, მით მეტი სტრესია როგორც მასწავლებლისთვის, ისე მოსწავლეებისთვისაც. აქედან გამომდინარე, ვარჩით, რომ ერთ ადამიანზე დაგვეყვანა გარე დაკვირვებლის რაოდენობა და მასწავლებლებისთვის აპელაციის საშუალებაც მივცევთ.“

რეგისტრაცია, 19 თებერვლიდან 26 თებერვლის ჩათვლით, eschool-ის ელექტრონულ სისტემაში იწარმოებს.

წლევანდელი პოტენციური კანდიდატი 560 მასწავლებელია – 13 კრედიტის მქონე უფროსი მასწავლებელი და დოქტორის ხარისხის მქონე პირები, რომლებსაც უფლება აქვთ, გაიარონ გარე დაკვირვება.

უმაღლესი განათლება

ავტორიზაციას შინაგარეული უნივერსიტეტების შეუსრულებელი მისია

მაკა ყიფიანი

საქართველოში განახლდა უმაღლესი სასწავლებლების ავტორიზაციის პროცესი. 2018 წელს უმაღლეს სასწავლებლებს, ევროპის უმაღლესი განათლების ხარისხის უზრუნველყოფის სტანდარტებსა და სახელმძღვანელო პრინციპებთან (ESG – 2015) თავსებადი, ავტორიზაციის განახლებული სტანდარტებით მოუწევთ ავტორიზაციის გავლა. დღესდღეობით საქართველოში 72 უმაღლესი საგანმანათლებლო დაწესებულება ფუნქციონირებს.

შეგახსენებთ, რომ ავტორიზაციის პროცესი საქართველოში 2010 წლიდან დაიწყო. უმაღლესი საგანმანათლებლო დაწესებულებები სამი სტანდარტის მიხედვით ფასდებოდნენ, ეს სტანდარტები იყო: **საგანმანათლებლო პროგრამები; მატერიალური რესურსი; ადამიანური რესურსი.** 2017 წელს გადაწყდა, რომ შეცვლილიყო ავტორიზაციის სტანდარტები, ჩატარდა მნიშვნელოვანი რეფორმა და დღეისთვის, უმაღლესი საგანმანათლებლო დაწესებულებებისთვის, 7 სტანდარტი გვაქვს: **ა) უმაღლესი საგანმანათლებლო დაწესებულების მისია და სტრატეგიული განვითარება; ბ) უმაღლესი საგანმანათლებლო დაწესებულების ორგანიზაციული სტრუქტურა და მართვა; გ) საგანმანათლებლო პროგრამები; დ) უმაღლესი საგანმანათლებლო პერსონალი; ე) სტუდენტები და მათი მხარდაჭერის ღონისძიებები; ვ) კვლევა, განვითარება ან/და სხვა შემოქმედებითი საქმიანობა; ზ) მატერიალური, საინფორმაციო და ფინანსური რესურსები.** ეს არის ევროპის უმაღლესი განათლების სივრცის მოთხოვნების შესაბამისი სტანდარტები, რომელთა დაკმაყოფილება უმაღლეს საგანმანათლებლო დაწესებულებებს აუცილებლად მოუწევთ. „რაც ძალიან მნიშვნელოვანია, ახალი სტანდარტები, ძველი სტანდარტებისგან განსხვავებით, უფრო სრულყოფილად, კომპლექსურად და სიღრმისეულად აფასებენ დაწესებულებას, ინსტიტუციას. განახლებული სტანდარტები განსაკუთრებულ ყურადღებას ამახვილებს დაწესებულების მისიაზე და სტრატეგიულ განვითარებაზე, ადმინისტრაციული, აკადემიური, მონეული და სამეცნიერო პერსონალის მართვის პოლიტიკაზე, მათ კვალიფიკაციასა და დატვირთვის სქემებზე, ასევე სამეცნიერო-კვლევით საქმიანობაზე. განახლებული სტანდარტებით სრულყოფილად შეფასდება დაწესებულების ორგანიზაციული სტრუქტურა და მართვა. მმართველი რგოლი, რამდენად უზრუნველყოფს ის, რომ უმაღლესმა დაწესებულებამ მიაღწიოს დასახულ მიზნებს, შეასრულოს საკუთარი მისია, ასევე სამოქმედო და სტრატეგიული გეგმებით ექსპერტი უფრო სიღრმისეულად ჩაიხედავს სტრატეგიულ გეგმაში, რამდენად რეალურია სტრატეგიული და სამოქმედო გეგმა, რამდენად ეფუძნება ორივე დოკუმენტი დაწესებულების რესურსებს და რამდენად განვითარებაზეა ორიენტირებული.“ – აცხადებს განათლების ხარისხის განვითარების ეროვნული ცენტრის უმაღლესი განათლების ხარისხის უზრუნველყოფის სამსახურის უფროსი **ლაშა მარგიშვილი.** აღსანიშნავია, რომ განათლების ხარისხის განვითარების ეროვნული ცენტრის ორგანიზებით ტარდება ტრენინგები, სამუშაო შეხვედრები იმ უმაღლესი საგანმანათლებლო დაწესებულებებისთვის, რომელთაც 2018 წელს განახლებული სტანდარტებით უწევთ ავტორიზაციის გავლა.

* * *

რამდენიმე დღის წინ, თბილისის სამედიცინო სასწავლო უნივერსიტეტ „ჰიპოკრატეს“ და თბილისის სასწავლო აკადემიას ავტორიზაცია გაუუქმდათ. ამ ორ საგანმანათლებლო დაწესებულებაში განხორციელდა გეგმიური მონიტორინგი ავტორიზაციის კუთხით. კანონმდებლობის თანახმად, აღნიშნული დაწესებულებები მონიტორინგის ფარგლებში გადაამოწმდნენ ძველი, მინიმალური, სამი სტანდარტი – საგანმანათლებლო პროგრამები, მატერიალური რესურსი, ადამიანური რესურსი – მიხედვით. ამ სასწავლებლებში სწორედ ეს მინიმალური სტანდარტები იყო უხეშად დარღვეული. განათლების ხარისხის განვითარების ეროვნული ცენტრის ინფორმაციით, 2018 წლის 15 თებერვალს გამართულ უმაღლესი საგანმანათლებლო დაწესებულებების ავტორიზაციის საბჭოს სხდომაზე განიხილებოდა შპს თბილისის სამედიცინო სასწავლო უნივერსიტეტ „ჰიპოკრატესა“ და შპს „თბილისის საერთაშორისო აკადემიაში“ განხორციელებული მონიტორინგის შედეგები. ექსპერტთა ჯგუფის დასკვნის თანახმად, ამ სასწავლებლებში დარღვევები დაფიქსირდა როგორც სასწავლო პროცესის, ისე სწავლების ხარისხის მიმართულებით. კერძოდ, ექსპერტთა დასკვნის მიხედვით, დარღვეულია სტანდარტის თითქმის ყველა მოთხოვნა: „დაფიქსირებული დარღვევები პირდაპირ დაკავშირებულია სასწავლო პროცესთან და ხარისხთან. უფრო კონკრეტულად, ხარვეზები ეხება საგანმანათლებლო პროცესს, რომელიც თითქმის არ მიმდინარეობდა, საბიბლიოთეკო რესურსები დასაწყობებულ მდგომარეობაშია და რესურსების გამოყენების ფაქტები შესაბამისად არ ფიქსირდება. არ ფიქსირდება პროგრამით გათვალისწინებული პრაქტიკული მეცადინეობის სათანადო ბაზები. კლინიკური უნარ-ჩვევების გარკვეულ ნაწილს სტუდენტები ერთმანეთზე სწავლობენ. გარდა საგანმანათლებლო ნაწილისა, სერიოზული პრობლემებია ადმინისტრაციის, ფინანსებისა და ორგანიზაციული მონაცემების ნაწილში, რომელიც მთლიანად შეუსაბამოა საგანმანათლებლო მიზნებისთვის.“ – ნათქვამია განათლების ხარისხის განვითარების ეროვნული ცენტრის განცხადებაში.

სტუდენტთა ინტერესის გათვალისწინებით, ხარისხის მართვის ეროვნული ცენტრი უზრუნველყოფს რეგარეშე მობილო-

ბის პროცესის ადმინისტრირებას მხოლოდ იმ დაწესებულების სტუდენტებისათვის, რომელთაც ავტორიზაცია გაუუქმდათ. საქართველოს განათლებისა და მეცნიერების მინისტრის, **მიხეილ ჩხენკელის** განცხადებით, სამედიცინო სასწავლო უნივერსიტეტ „ჰიპოკრატეს“ და „თბილისის საერთაშორისო აკადემიის“ სტუდენტები, მობილობის წესით, სხვა უმაღლეს სასწავლებლებში გადაინაწილებიან. ამის შესახებ მან უფროსის ტიტულს განუცხადა. „სტუდენტებს საშუალება ექნებათ, სწავლა ავტორიზებულ უმაღლეს სასწავლებლებში გააგრძელონ. კონკრეტული დეტალები ხარისხის ცენტრის ვებგვერდზე გამოქვეყნდება. სახელმწიფომ სიმართლე უნდა უთხრას ყველა ოჯახს, ყველა სტუდენტს და ეს სიმართლე სწორედ იმაში მდგომარეობს, რომ ავტორიზებული უმაღლესი სასწავლებლები არიან ისინი, ვისაც აქვს მაღალი აკადემიური ხარისხი,“ – აცხადებს მინისტრი.

თბილისის სამედიცინო სასწავლო უნივერსიტეტ „ჰიპოკრატეს“ რექტორი, პროფესორი **დავით კიტეიშვილი** ამბობს, რომ როცა უნივერსიტეტში მონიტორინგის სამსახური შევიდა, მათ აუხსნეს არსებული მდგომარეობა – სასწავლებელი ავტორიზაციის რეჟიმში იმყოფებოდა და თებერვლის ბოლოს უწევდათ გავლა, მიუხედავად, ამისა, მათი თხოვნა არაინგაითვალისწინა და ავტორიზაცია ჩამოერთვათ. რექტორი ამბობს, რომ უნივერსიტეტს განვითარების საშუალება არ მისცეს. ბატონი დავითი იმ ხარვეზებზეც საუბრობს, რომლის გამოსწორებასაც უნივერსიტეტი უახლოეს პერიოდში შეძლებდა და 15-წლიანი უმაღლესი სასწავლებელი ასე ერთი ხელის მოხმით არსებობას არ შეწყვეტდა:

„ჩვენი უნივერსიტეტი 15 წლის წინ დაარსდა და, დღეისათვის, აქ 437 სტუდენტი სწავლობს. მოგეხსენებათ, ვიყავით ავტორიზაციის რეჟიმში და ვემზადებოდით, თანდათანობით მეთოდით, დაგვეკვაყოფილებინა სტანდარტის ნებისმიერი პუნქტი, რომელიც განათლების ხარისხის განვითარების ეროვნულმა ცენტრმა დაადგინა. როცა ჩვენთან მონიტორინგის სამსახური შემოვიდა (მათი პერეგრატივაა როდის შემოვლენ), გარკვეული პუნქტების მიხედვით, აღმოჩნდა, რომ მოუშვადებლები დაგვხდით. ის, რაც ჩვენს უნივერსიტეტს ნამდვილად ჰქონდა და აქვს, არის სწავლების მაღალი ხარისხი და სათანადოდ აღჭურვილი ბიბლიოთეკა, კომპიუტერული აუდიტორია, კლინიკური ბაზები და სხვ.

სტუდენტებს ვთავაზობთ დიპლომირებული მედიკოსის ერთსაფეხურიან პროგრამას; დიპლომირებული სტომატოლოგის ერთსაფეხურიან, ჯანდაცვისა და ფარმაციის ბაკალავრიატს და მაგისტრატურას. გვაქვს კავშირები უცხოეთის უნივერსიტეტებთან, ვილნიუსისა და ლვოვის უნივერსიტეტებთან, ასევე, რუსულენოვანი სტუდენტებისათვის – მოსკოვის სერგეივის სახელობის პირველ სამედიცინო უნივერსიტეტთან. ამ ურთიერთობების გაფართოებას ვაპირებდით, ვცდილობდით საერთაშორისო სტანდარტებთან მიახლოებას, ამისთვის ყველაფერს ვაკეთებდით.

ჩვენი პრობლემა უდავოდ იყო, შეზღუდული შესაძლებლობების მქონე სტუდენტებისთვის შესაბამისი, ადაპტირებული გარემოს მოწყობა. საქართველოში არსებული შენობების 80-90% ამ მოთხოვნებს ვერ აკმაყოფილებს. ეს პრობლემა ბევრგან მოსაგვარებელია. რა თქმა უნდა, დაწყებული გვექონდა ამაზე მუშაობა და დაესახეთ გეგმები სამომავლოდ, ამ პრობლემის გადასაჭრელად.

მოგეხსენებათ, წელს, ივანე ჯავახიშვილის სახელობის თბილისის სახელმწიფო უნივერსიტეტი ზეიმობს 100 წლისთავს. როგორ მიაღწევდა ის ამ ასაკს, თუკი მას 14-15 წლის ასაკში ჩაქოლავდნენ და წინსვლის საშუალებას არ მისცემდნენ. ეს ხომ განვითარების პროცესია, ჩვენივე ამის დრო და შესაძლებლობა ნამდვილად უნდა მოეცათ.

რაც შეეხება ხარვეზებს, მართალია, გვექონდა, მაგრამ ისეთი, რომლის გამოსწორება, საბჭოს მიერ გონივრული ვადის მოცემის შემთხვევაში, შეუძლებელი ყოფილიყო – არა გვგონია. პრეტენზიები მათი მხრიდან, ძირითადად, მატერიალურ რესურსს ეხებოდა, პროგრამულ უნარ-ჩვევებზე არაფერი იყო; სიღაბუხებში ხარვეზი არ გვექონია; კლინიკურ უნარ-ჩვევებთან დაკავშირებითაც იყო შენიშვნები, ახლანდელ შევიძინეთ პროგრამით გათვალისწინებული პრაქტიკული მეცადინეობისთვის საჭირო სათანადო სიმულაციური ბაზა (როცა მონიტორინგი შემოვიდა, ევროპიდან ორი კვირის ჩამოტანილი გვექონდა), რომელიც არ იყო განყოფილი. ამჟამად დამონტაჟებულია, თუმცა გამოცდის დაშუალება არ მოგვეცა.

მათი გადაწყვეტილება არ არის სამართლიანი. ხარვეზების გამოსწორებლად, როგორც აღვნიშნეთ, გონივრული ვადა უნდა მოეცათ, თუ ამ ვადის შემდეგ ვერ გამოვასწორებდით, რა თქმა უნდა, შესაბამის ზომებს მიმართავდნენ. მიღებული გადაწყვეტილება ნაადრევია. ვაპირებთ აპელაციას, მაგრამ ისმის კითხვა – აპელაციას ხომ დრო ჰქონდა, ამ დროის განმავლობაში, სტუდენტები რომ სხვაგან სწავლენ, მერე რა ვაეკეთათ? გვინდა ხარისხის განვითარების ეროვნულ ცენტრს ვთხოვოთ, თუ მაინც და მაინც გასატარებელი იყო მკაცრი ზომები, გადაიხადოს არსებული გადაწყვეტილება და გაითვალისწინონ როგორც სტუდენტების, ასევე პროფესორ-მასწავლებლების თხოვნა, რადგან არ არის იოლი როგორც სტუდენტებისთვის უნივერსიტეტის შეცვლა, ასევე პროფესორ-მასწავლებელთა და ადმინისტრაციის თანამშრომელთა სამსახურის გარეშე დარჩენა. მოკლედ რომ ვთხროთ, დაზარადა უამრავი ადამიანი“.

უნივერსიტეტის ავტორიზაციის შეჩერებას სტუდენტებიც აპროტესტებენ და ამბობენ, რომ ამით მათი უფლებები ირღვევა, რადგან მობილობით სხვა უნივერსიტეტში გადაინა-

ლება გარვეულ სირთულეებს წარმოშობს. სტუდენტების ნაწილი, პირველ რიგში, ფინანსურ პრობლემას ხედავს, ნაწილი კი ამბობს, რომ ამდენ სტუდენტს სახელმწიფო უნივერსიტეტი ვერ მიიღებს და კერძო უმაღლეს სასწავლებლებში გადასვლა, გარკვეულ ნიშნად, ისევ რისკის ქვეშ აყენებს მათ მომავალ სტუდენტობას. ფიქრობენ, რომ არ არსებობს იმის გარანტია, რომ სხვა უნივერსიტეტს არ შექმნება ანალოგიური პრობლემა.

ალექსანდრე ბერუაშვილი, თბილისის სამედიცინო უნივერსიტეტის „ჰიპოკრატე“ სამკურნალო ფაკულტეტის III კურსის სტუდენტი: „მოგეხსენებათ, ჩემს უნივერსიტეტს ავტორიზაცია გაუუქმდა, ვფიქრობ, ეს სამართლიანი გადაწყვეტილება არ იყო. სტუდენტები ძალიან დიდი პრობლემის წინაშე აღმოვეჩნდით. ჯერჯერობით ოფიციალური ინფორმაცია არაფერზე არ გვაქვს, მაგრამ, როგორც ვიცით, მობილობის საშუალებით შევძლებთ სხვა უმაღლეს სასწავლებლებში სწავლის გაგრძელებას, თუმცა, საქმე არც ისე მარტივადაა. სტუდენტების უმეტესობას სურვილი აქვს კერძო უნივერსიტეტში სწავლის გაგრძელების, იქიდან გამომდინარე, რომ არ ვიცით ხვალ და ზეგ კიდევ რომელი კერძო უნივერსიტეტის ავტორიზაცია დადგება კითხვის ნიშნის ქვეშ, ამავდროულად, სწავლის საფასური გაცილებით ძვირია, ვიდრე „ჰიპოკრატეში“. ამიტომ, სტუდენტები ვითხოვთ გადასვლას თბილისის სახელმწიფო სამედიცინო უნივერსიტეტში. თუმცა, ვიცით, რომ მიღების ისეთი კრიტერიუმები აქვს, რომლებსაც ყველა სტუდენტი ვერ აკმაყოფილებს, ე.ი. სტუდენტების გარკვეული ნაწილი უნივერსიტეტს მიღმა დარჩება. ამ ყველაფერთან ერთად, რუსული სექტორის სტუდენტებს კიდევ დამატებითი პრობლემები ექმნებათ. არის კიდევ ერთი პრობლემა – კრედიტები, საინტერესოა, როგორ მოხდება კრედიტების აღიარება. განსხვავებული კრედიტების გამო, შესაძლოა, მთლიანი კურსის ან სემესტრის დაკარგვა მაინც მოგვიწიოს და ბუნებრივია, სხვა ყველაფერთან ერთად, ამ შემთხვევაშიც, ირღვევა სტუდენტების უფლებები. ჩვენი თხოვნაა, რაც შეიძლება მაღელვარებით, რას გვთავაზობენ და რა პრინციპით მოხდება სტუდენტების გადაყვანა სხვა უმაღლეს სასწავლებლებში. ამავდროულად, ვითხოვთ, ჩვენი უფლებები მაქსიმალურად იყოს დაცული.“

შოთა განაგორია, თბილისის სამედიცინო უნივერსიტეტის „ჰიპოკრატე“ მედიცინის ფაკულტეტის IV კურსის სტუდენტი: „ინფორმაცია, რომელიც ინტერნეტით გავრცელდა ჩვენი უნივერსიტეტის შესახებ, აბსურდულია. დასახელებული მიზეზები, თითქოს სასწავლო პროცესი უნივერსიტეტში არ მიმდინარეობდა, საბიბლიოთეკო რესურსები დასაწყობებულ მდგომარეობაში იყო და სხვა, სიმართლეს არ შეესაბამება.“

მე რა ინფორმაციაც მაქვს, ავტორიზაცია ჩემს უნივერსიტეტს იმიტომ ჩამოერთვა, რომ თითქოს არც ერთ კრიტერიუმს არ აკმაყოფილებს. მაგალითად, დასახელებული იყო პანდუსების არარსებობა. როგორც ვიცო, უნივერსიტეტში მიმდინარეობდა პანდუსების დამონტაჟება. ამ ეტაპზე, შეზღუდული შესაძლებლობების მქონე სტუდენტები სასწავლებლებში არ სწავლობენ.

ავტორიზაციის ჩამორთმევის შემდეგ უნივერსიტეტი მიღვედა რეჟიმში უნდა გადავიდეს. თუ ჩვენ სასწავლებლად სახელმწიფო სამედიცინო უნივერსიტეტში გადავალთ, შეიძლება კრედიტები არ აღიარონ და მოგვინებს კრედიტების თავიდან გავლა, რაც გამოიწვევს სემესტრისა და თანხების დამატებას. ჩვენს უნივერსიტეტში სწავლობენ რუსი და აზერბაიჯანელი სტუდენტები, სახელმწიფო სამედიცინო უნივერსიტეტში გადასვლის შემთხვევაში, მათ სწავლის ხარისხის დაფასურის გადახდა მოუწევთ. ამით სტუდენტების უფლებები ირღვევა.

განათლებისა და მეცნიერების მინისტრისა და მისი მოადგილის თქმით, სტუდენტების უფლებები არ უნდა დაირღვეს. გვინტერესებს, იქნება თუ არა ჩვენი უფლებები დაცული და რა მოიაზრება კონკრეტულად უფლებების არდაზღვევაში.

ჩვენ არ გვინდა სხვა უნივერსიტეტი, ან სახელმწიფო სამედიცინო უნივერსიტეტში გადაგვიყვანონ, ან ამ უნივერსიტეტში მოგვცენ სწავლის დასრულების უფლება. თუ პეტერბურგის სახელობის თბილისის სასწავლო უნივერსიტეტში ან „გეომედში“ გადაგვიყვანენ, მაშინ სახელმწიფო უნდა მოგვცეს იმის გარანტია, რომ რამდენიმე თვეში ამ უმაღლესების ავტორიზაციის გაუქმება არ მოხდება.“

მიმდინარე წლის 19 თებერვალს, განათლების ხარისხის განვითარების ეროვნულ ცენტრში, თბილისის სამედიცინო სასწავლო უნივერსიტეტ „ჰიპოკრატეს“ სტუდენტებთან და მათ მშობლებთან გამართულ საინფორმაციო შეხვედრზე აღინიშნა, რომ კანონის მიხედვით, დაწესებულებისთვის ავტორიზაციის გაუქმების შემდეგ ყველა სტუდენტს უჩრედება სტატუსი 5 წლის ვადით და, ამ პერიოდის განმავლობაში, ისინი უფლებამოსილი არიან, წელიწადში ორჯერ მიიღონ მონაწილეობა მობილობაში, მიუხედავად ამისა, განათლების ხარისხის განვითარების ეროვნული ცენტრი, უახლოეს პერიოდში, მხოლოდ ამ დაწესებულების სტუდენტებისთვის გახსნის მობილობის რეგარეშე ფანჯარას, რისი მეშვეობითაც სტუდენტებს საშუალება მიეცებათ, სწავლა გააგრძელონ სხვა უმაღლეს საგანმანათლებლო დაწესებულებებში. სტუდენტებსა და მშობლებს ასევე განემარტათ, რომ აღნიშნული დაწესებულების სტუდენტები გათავისუფლებული იქნებიან მობილობის დაფასურისგან. მობილობის ვადები და მობილობაში მონაწილე უმაღლესი საგანმანათლებლო დაწესებულებების ჩამონათვალი გამოქვეყნდება ცენტრის ვებგვერდზე.

ამ საკითხებზე შეხვედრები განათლების ხარისხის განვითარების ეროვნულ ცენტრში მომავალშიც გაგრძელდება.

სასკოლო აქტივობა

დღეს ჩვენი სკოლის დაბადების დღეა

შვიდი წლის წინ

დრო კი არ მიდის, მიჰქრის!
 გუმინდელივით მასსოვს ჩემი ჩამოსვლა ამ პრობლემებით საესე სოფელში. შვიდი წელი გავიდა მას მერე. ეს დრო ზოგისთვის ალბათ უსაშველოდ გაწელილია, რადგან აქ ცხოვრება ადვილი არ არის. ყოველ ნაბიჯზე ჩამონგრეული კედლისა თუ ნასახლარის დანახვა არ იწვევს სასიამოვნო განცდას.
 ჩემთვის კი, ნამდვილად ნუთებივით გაფრენილი წლებია... ალბათ იმიტომ, რომ ვიცოდი რა მინდოდა, ვიცოდი რა მეკეთებინა, ვფიქრობდი ბავშვების სიხარულზე.
 ამ ხნის მანძილზე სოფელში თითქოს ბევრიც არაფერი გაკეთებულა, საკუთარ ოჯახებსა და ფერმებში ჩაიკეტენ, კომფორტი მოიწყვეს, მეურნეობა მაღალ დონეზე დაიყენეს, რაზეც ხელი მიუწვდებოდათ, მზრუნველი ხელი დაატყვეს.
 რა შეიცვალა სკოლის ცხოვრებაში?
 მე, ჩემი მოსწავლეებით, პატივს ვცემ იმ მასწავლებლებს, რომლებიც, ჩემამდე თუ ახლა, სკოლის სიკეთეზე ფიქრობდნენ და იღვნიან. გულახდილი ვიქნები და ვიტყვი, რომ უცხო ენაში არასახარბიელო მდგომარეობა არ დამხვედრია, ინგლისური ენა უყვარდათ, ცოტაც იცოდნენ. ეს ჩემთვის სავსებით საკმარისი იყო მათთან ერთად თავაუღებელივით მეშრომა და გამეფართოვებინა მათი ცოდნა ამ საგანში.

ახალი სახელმძღვანელოს „English world“ შემოტანა სკოლაში არ იყო ადვილი. სამუშაო კვირის ბოლოს ყველაზე მეტად დასვენება მჭირდებოდა, მე კი თბილისის ერთი წინის მალაზი-დან მეორეში გავრბოდი, ვეძებდი I, II თუ III დონის სახელმძღვანელოს. ვცდილობდი, ყველა მოსწავლეს დროულად ჰქონოდა ის. მადლობა განათლების სამინისტროს – სახელმძღვანელო უფასო გახდა და თანაც სკოლაში გვიგზავნიან. მეშველა! შვებით ამოვისუნთქე.
 მთელი ბავშვები გამორჩეულად ხალისიანები და სიცოცხლით სავსენი არიან, აინტერესებთ სიახლეებით. მეც ვცდილობდი წინა წლების გამოცდილება მომერგო მათი ინტერესებისთვის, სწავლების პროცესი უფრო ხალისიანი გამეხადა სიმღერებითა და სპექტაკლებით ინგლისურ ენაზე. ხშირმა ტრენინგებმა და სკოლაში ინტერნეტის შემოყვანამ ხომ უსაზღვროდ გაზარდა მასწავლებლის შესაძლებლობები. „British council“-ის ვებგვერდი ჩვენი საუკეთესო მასპინძელია: სიმღერები, სხვადასხვა უნარების განმავითარებელი სავარჯიშოები... რა გინდა, სულო და გული! მარტო მოიცალე და ჩაუჯექი!
 ზოგჯერ, როცა ყველა თავისი სავარჯიშოს შესრულებითაა დაკავებული და რაღაც ათიოდე წამით მარტო ვრჩები საკუთარ თავთან, ვაკვირდები რეველებში თავჩარგულ მოსწავლეებს და ვხვდები ყველაზე მნიშვნელოვანს – ამ წუთში შეიძლება ყველას არ ახსოვს არანსიერი ზმნების ფორმები



წარსულ დროში, მაგრამ სწავლა ყველას უყვარს... თურმე ინტერესი სწავლისადმი გაზრდილა, თურმე დამოკიდებულება მის მიმართ შეცვლილა.
ასე არ იყო შვიდი წლის წინათ!

ლალი ცისკარაშვილი-გაფინაშვილი
წალკა, სოფელ საბუჯისის საჯარო სკოლა

საინტერესო ღონისძიება

დაბა ადიგენის საჯარო სკოლაში დიდი ყურადღება ექცევა საზოგადოებრივ მეცნიერებათა სწავლებას. მიმდინარე წლის 5 თებერვლიდან 9 თებერვლის ჩათვლით, სკოლაში ჩატარდა ისტორიის კვირეული. IX-კლასელებმა დაამუშავეს მათთვის საინტერესო ისტორიული თემები და საკითხები, რომლებიც პედაგოგებისა და მოსწავლეების წინაშე წარ-

მოადგინეს. განუხილეს სამუშაოსთვის სკოლის სასწავლო ნაწილის გამგემ, **ნუნუ ბაღდოშვილი** მათ მადლობა გადაუხადა.
 განსაკუთრებით საინტერესო იყო 8 თებერვალს გამართული ვიქტორინა თემაზე: „ვინ უფრო წინაინია“, რომელიც დავით აღმაშენებლის ხსენების დღეს მიეძღვნა. ვიქტორინის ორგანიზებულად ჩატარების მიზნით, მონათესავე კათედრის მასწავლებლებისგან დაკომპლექტდა ჟიური, რომლის თავმჯდომარე იყო სკოლის დირექტორი **გიორგი ქომეთიანი**, ხოლო ღონისძიებას თავად ვებმძღვანელობდა.
 IX-XI-კლასელებმა ჩამოაყალიბეს 2 გუნდი – „ფესვები“ და „ნერგები“. „ნერგების“ გუნდმა ლიდერად **ვანო მათისურაძე** აირჩია, „ფესვების“ კი – **ნიკა თათოშვილი**. მოსწავლეებმა ჯერ თავიანთი გუნდების დასახელებაზე ისაუბრეს – თუ რატომ აირჩიეს ეს სახელები, შემდეგ კი გაჩაღდა ცხარე კამათი ცალკეული კითხვის ირგვლივ, ვინ უფრო სწორ და ამომ-

წურავ პასუხს გასცემდა. ორივე გუნდმა სათანადო ცოდნა გამოავლინა, მაგრამ გამარჯვება „ფესვებს“ დარჩა.
 ვიქტორინის მსვლელობისას, მონაწილეებმა მხატვრულად ნაიკითხეს ლექსები, ხოლო ქულების შეჯამების პერიოდში, X-კლასელებმა – **ნინო ივანიშვილი** და **თამარ მაისურაძე** მუსიკალური ნომრები შეასრულეს, რამაც კიდევ უფრო საინტერესო გახადა ღონისძიება. განსაკუთრებით აქტიურობდნენ IX კლასის მოსწავლეები და X კლასის ორი მოსწავლე: **ბაგრატ კირთაძე** და **მარიამ მათოშვილი**.
 დასასრულ, სკოლის დირექტორმა, **გიორგი ქომეთიანმა** მადლობა გადაუხადა მოსწავლეებს და აღუთქვა ექსკურსიის მოწყობა საქართველოს ისტორიული ადგილების დასათვალიერებლად.

ეთერ ბუცხრიკიძე
დაბა ადიგენის საჯარო სკოლის ისტორიის მასწავლებელი



საბანანათლებლო სივრცეში უფრო აქტიური ჩართულობისათვის

განათლების მწვერვალებისაკენ სწრაფვა ქართველ კაცს ოდითგანვე ძვალსა და რბილიმ ჰქონდა გამჯდარი. ასეა დღესაც, ასე იქნება ხვალაც. სხვანაირად წარმოუდგენელია, სკოლა ხომ მომავალი თაობის გზის მანათობელი ბენვის ხიდაა, რომელზედაც ყველამ უნდა გაიაროს, მაგრამ როგორ? ეს მოზარდის ნიჭზე, შრომისმოყვარეობაზე, უნარსა და ოსტატურად შედგენილ სასწავლო-სააღმზრდელო პროგრამაზე დამოკიდებული, აქ კი სიყვარულმა უნდა დააკავშიროს მოსწავლე და მასწავლებელი.
 ეს აზრი გასდევდა ლაიტმოტივად სსიპ წყალტუბოს მუნიციპალიტეტის სოფელ ბანოჯის საჯარო სკოლაში ამას წინათ გამართულ ღონისძიებას დევიზით – „ხელოვნება თავად უკვდება“. ამ საზეიმო თავყრილობაზე მონაწილე იყვნენ წყალტუბოს მუნიციპალიტეტის თვითმმართველობისა და რესურსცენტრის ხელმძღვანელი მუშაკები, სტუმრები ქუთაისის აკაკი წერეთლის სახელმწიფო უნივერსიტეტიდან. მათ საშუალება ჰქონდათ ეხილათ სკოლის მოსწავლეების მიერ განხორციელებული პროექტი „თქვის მხატვრული დამუშავების საწყისები“ – ნამუშევართა გამოფენა და მუშაობის პროცესი, საგამოფენო დაფა „ჩვენ გვიყვარს თქვა“; ნახატების გამოფენა „ჩვენი თვლით და-

ნახული სამყარო“.
 გარდა ამისა წარმოდგენილ იქნა 2011-2017 სასწავლო წლებში განხორციელებული პროექტების შედეგები.
 მოსწავლეებმა და პედაგოგებმა მადლობა გადაუხადა სკოლის სერტიფიცირებულ, არჩეულ დირექტორს, მათემატიკის უფროს მასწავლებელს, **ნინო წილოსანს**, რომელიც ექვსი წელია მუხლჩაუხრელი შრომით აქტიურადაა ჩართული სკოლის ცხოვრებაში. გაისხენეს დრო, როცა ქალბატონი ნინო სკოლაში მობრძანდა და მწირი მატერიალურ-ტექნიკური ბაზის მიუხედავად შეძლო, საკუთარი ინიციატივით, პირველს დაეგეგმა სასკოლო სანიმუშო ვაკეეთილები და სასწავლო-სააღმზრდელო ღონისძიებები.
 აღსანიშნავია, რომ სკოლა ჩართულია USAID-ის დაწყებითი განათლების პროექტის G-pried მასწავლებელთა პროფესიული განვითარების პროგრამაში; სამოქალაქო განათლების პროგრამაში „მომავლის თაობა“; კავკასიის საერთაშორისო უნივერსიტეტის მიერ ორგანიზებულ კონკურს-პროექტში „სამშობლო ჩემი უზნიდან იწყება“; ჩეხური ორგანიზაციის „ადამიანი გაჭირვებაში“ პროექტში „კინო-სკოლა“; მასწავლებელთა პროფესიული განვითარების ეროვნული ცენტრის TPDC-ის მხარდაჭერით განხორციელებულ პროექტში „პროფორინენტაცია“ და პროექტში „ფორტი სინთეზი“; CENN-ის გარემოსა და ბუნებრივი რესურსების დაცვის სამინისტროსთან ერთად, ქუთაისის აკაკი წერეთლის სახელმწიფო უნივერსიტეტთან თანამშრომლობით, ნიკო კეცხოველის სახელობის პრემიის მოსაპოვებლად, სკოლის ეზოში მზადდება მინერალური სასუქი, სახელწოდებით – „კომპოსტი“.
 ღონისძიების მსვლელობისას თითოეულ პროექტზე იყო საუბარი, მთავარი აქცენტი გაკეთდა ბოლო პროექტზე – „თქვის მხატვრული დამუშავების საწყისები“, რომელიც წარმოადგინა პროექტის კოორდინატორმა, სკოლის მასწავლებელმა **ნინო კახნიშვილმა**. მან აღნიშნა, რომ წრეში გაერთიანებული ბავშვები ინტერესით გაეცვენ თქვის განვითარების ისტორიას, მოეწყო გაცნობითი სახის ექსკურსიები უნივერსიტეტის დიზაინსა და ტექნოლოგიების დეპარტამენტში და მარტივად დადასტურდა თქვის სახელოსნოში. მოსწავლეებმა შეისწავ-



ლეს თქვის ნაკეთობათა დასამზადებლად კომპოზიციების შექმნის პრინციპები, ესკიზების შესრულება ფერში, თქვის აქსესუარების დამზადება სველი და მშრალი წესით, თქვის ნაკეთობების დამზადება კომპინირებული მეთოდით და ა.შ.
 ღონისძიებაზე შემავაზებელი სიტყვით გამოვიდა სკოლის დირექტორი **ნინო წილოსანი**, რომელმაც მადლობა გადაუხადა პროექტის ხელმძღვანელს, **თამარ მოსუვილს**, თქვის მხატვრული დამუშავების საწყისების პედაგოგს, **რუსუდან ზოჭორიშვილს**, ხელოვნების მასწავლებელს, **სალომე რუსაძეს**, კოორდინატორს, **ნინო კახნიშვილს** და მოსწავლეებს, რომლებიც მონაწილეობდნენ თქვის მხატვრულ დამუშავებაში, მათ შორის შეზღუდული შესაძლებლობის მქონე მემვიდეკლასელ **ნინო ჩოგვაძეს**, რომელიც მშობელთან ერთად, თავისი შესაძლებლობების შესაბამისად, ჩართული იყო ამ და სხვა პროექტებში.
 ქალბატონმა ნინომ ასევე მადლობა გადაუხადა მონაწილე სტუმრებს: წყალტუბოს საკრებულოს თავჯდომარეს, **გრიგოლ ივანიშვილს**, მერის პირველ მოადგილეს, **ზურაბ მაისურაძეს**, საგანმანათლებლო რესურსცენტრის უფროსს, **მამუკა ჩხეტიანს**, საკრებულოს წევრს თენგიზ ნიჟარაძეს, ბანოჯის სკოლის ყოფილ დირექტორს, ამჟამად ქუთაისის №32 საჯარო სკოლის დირექტორს, **ჯეირან კოლუაშვილს**, მერის წარმომადგენელს გუმბრის თემში **ამირან ბალანჩივაძეს** და პროექტების ყველა თანამონაწილეს.
 მომავალშიც არაერთ საინტერესო ღონისძიებას ვგეგმავთ, რომელიც მოსწავლეთა ცნობიერების ამაღლებას, ცოდნის შეძენისადმი მათი ინტერესის გაღვივებას შეუწყობს ხელს.

მაკა ტყაბლაძე
ბანოჯის საჯარო სკოლის ისტორიის მასწავლებელი



საქართველო

„ჩანს, ჩვენთვის დღეს აფხაზეთი უფრო შორსაა, ვიდრე აფრიკა“

ლალი ჯელაძე

პროტესტი აფრიკაში მოგზაურობას

„მერე ნუპაკა აცეტონზე შეჯდა და ბოლომდე ჩაეშვა, სულ გათიშული დადიოდა. აი, ხო გელაპარაკებოდა არა, ჩვეულებრივად, უცებ აურევდა, სულ სხვაგან წავიდოდა, ბოდავდა თუ რა იყო, არ ვიცი – ხან დედას მეძახდა, ხან მამას, ხანაც რა ვიცი – რას. ბოლოს მოკვდა. ამბობდნენ, გაიყინაო, მაგრამ ტყუილია, აცეტონით მოინჯა. ეს სარდაფი რო არ შემოვინა, მეც ნუპაკასავით დამემართებოდა, რადგან, როცა კაიფობ, აღარ გცივა, უფრო სწორად, სიცვივე ველარა გრძნობ. თანაც, თითქოს ტელევიზორს უყურებო, ხედავ, როგორ მოდიან სპილოები, ლომები, უირაფები. მოდიან და მოდიან, შენ კი უყურებ. მაგრა ასწორებს.“ – ეს ამონარიდი ნუგზარ შატაიძის მოთხრობიდანაა „მოგზაურობა აფრიკაში“, რომელმაც, საზოგადოების ყურადღება გიორგი ოვაშვილის გახმაურებული ფილმის „გაღმა ნაპირი“ გამოსვლის შემდეგ (რომელმაც არაერთი საერთაშორისო პრიზი აიღო), უარყოფითი კონტექსტში მიიპყრო. ეს მას შემდეგ მოხდა, რაც მე-7 კლასელი მარიაშის მამამ – **გია ყრუაშვილი** სოციალურ ქსელში შვილის ვიდეო გამოაქვეყნა – „მე უარს ვამბობ ამ გაკვეთილის სწავლაზე“. მეშვიდეკლასელი ვიდეოში აპროტესტებს ამ მოთხრობის სწავლას და მოჰყავს ციტატა ქართული ენისა და ლიტერატურის სახელმძღვანელოდან, რომელიც „ნებოთი კაიფს“ აღწერს. 12 წლის გოგონა აცხადებს, რომ უარს ამბობს ამ გაკვეთილის სწავლაზე და ურჩევს საერთოდ არ იაროს ისეთ სკოლაში, სადაც „ნარკოლოგიურ გაკვეთილებს ასწავლიან“. ის განათლებისა და მეცნიერების სამინისტროს მოუწოდებს, სახელმძღვანელოებში უფრო მეტად საქართველოს ისტორია ასწავლონ.

მოსწავლის პროტესტს თანამედროვეობის ერთ-ერთი გამორჩეული მწერლის მოთხრობის მიმართ საზოგადოების მხრიდან არაერთგვაროვანი რეაქცია მოჰყვა, ნაწილი მიიჩნევს, რომ დიას, არ უნდა ისწავლებოდეს აფხაზეთის ომის შედეგად დაზარალებული ხალხის ტკივილი, სიდუხჭირესა და ომის შედეგად გახლეჩილ ოჯახებში გაზრდილი ბავშვების ბედი, რამაც ისინი მანანალებად აქცია და რეალობისგან თავდასაღწევად წების ყნოსავენ. ამას ის საზოგადოება აცხადებს, რომელიც, თითქოს, იმის შემსწრე და მხილველი თავად არ ყოფილიყო, 90-იანი წლებიდან მყოფლებული, აფხაზეთის ომის შემდგომ პერიოდამდე, როცა „ოქტოსკომანი“ ბავშვებით სავსე იყო მინისქვეშა გადასასვლელები თუ მეტროსადგურების მიმდებარე ტერიტორია. ნებოთი გაბრუნებული, დაზარალებული სათხოვნელად ჩველამონვდილი გოგო-ბიჭებით სავსე თბილისის ქუჩები ჩვენი ისტორიის ნაწილია, რომელსაც გვერდს ვერც ერთი მეშვიდეკლასელის მშობელი ვერ აუვლის. თუკი მის მესხიერებას უახლესი წინანდელ წარსულის კადრები ჯერ კიდევ შემორჩენია, შვილის ამ განცხადებას ველარ გაახმოვანებს, რადგან თვალწინ დაუდგება სიცვიდან ლოყებანითილებული და ხელედასრული ბავშვების „უსასტიკი“ გამოსავალი, უმძიმეს რეალობას თავი ამ გზით რომ დააღწიონ – ნებოთი გაბრუნებულბმა იმოგზაურონ აფრიკაში უირაფებთან ერთად. ეს მათი მძიმე ხვედრია და ამის უარყოფით დღეს შვილებს ვერ დავიცავთ „ცუდი მაგალითებისგან“, რადგან პრობლემის მიჩქმალვა კიდევ უფრო დიდ პრობლემას წარმოშობს. მოთხრობიდან ამოგლეჯილი ფრაზებით კი, წარმოუდგენელია მის გაველენასა თუ ავ-კარგაინობაზე მსჯელობა.

დავით პაიჭაძე, რომელიც კერძო სკოლა „ნიუტონში“ ქართულ ასწავლის, ეროვნული სასწავლო გეგმების დეპარტამენტის უფროსის, **მარიამ ჩიქობავასადმი** მიმართული გამოცხადებული ნუგზარ შატაიძის მოთხრობის სწავლების გაპროტესტებას:

„ქალბატონო მარიამ ჩიქობავა, ნუგზარ შატაიძის ეს მოთხრობა შეტანილია ქართული ენისა და ლიტერატურის მეცხრე კლასის სახელმძღვანელოში სრულად. ამ სახელმძღვანელოს ავტორები არიან ვახტანგ როდონია, ნინო ნაკუდაშვილი და სხვები. სამწუხაროდ, სიუჟეტში ვერ გავარჩიე, ვინ არის მეშვიდე კლასის სახელმძღვანელოს ავტორი. თუმცა, ვერც მეშვიდეკლასელთათვის ეხება რაიმე პრობლემას სხენებულ მოთხრობის სწავლებისას. მეცხრეკლასელებთან ერთად კი თავად გავიარე ეს ტექსტი კლასში. ქალბატონო მარიამ, შესაძლოა, თქვენ, ასევე განათლების სამინისტროს სხვა პასუხისმგებელ მოხელეებს, ხანდახან გჭირდებოდეთ მოკავშირე, უმეცრესთან შეხვედრისა და დაპირისპირების დროს, რათა პოზიციები მათ წინაშე არ დათმოთ. დაუჯერებელი და შეუძლებელი მგონია, ზუსტად ამ ბავშვისა და მშობლის მსგავსად კითხულობდეთ მხატვრულ ტექსტს და ის მხოლოდ პრობაგანდის ან რეკლამის იარაღად გესახებოდეთ.

... ვფიქრობ, ლიტერატურის მასწავლებელს შეუძლია ეს მოთხრობა ადეკვატურად აუხსნას ბავშვებს, გინდ მეშვიდე, გინდ მეცხრე კლასში, რაც ბავშვს ეჭვს მაინც გაუჩენს, რომ მისი მშობლის ინტერპრეტაცია არაა მართებული, ასეთ გაგებას ლიტერატურის კითხვას და აღქმასთან საერთო არაფერი აქვს. შესაძლოა, ტელევიზიამ ისე დაამონტაჟა თქვენი საუბარი, რომ ჩვენ ვერ მოვისმინეთ თქვენი პოზიცია სრულად. ვისურვებდი, პოზიცია გულისხმობდეს სიმტკიცეს ლიტერატურის შესახებ ასეთი შეუსაბამო და უკადრის მსჯელობის

წინაშე. თქვენ ხვდებით, რბილ სიტყვებს ვიშველიებ...“ მარიამ ჩიქობავა ამბობს, რომ ამჟამად მოქმედი (2011-2016 წლების) ეროვნული სასწავლო გეგმის საბაზო საფეხურის სავალდებულო ნაწარმოებების ჩამონათვალში შესულია ნუგზარ შატაიძის თხზულება, თუმცა არ ზუსტდება, რომელ კლასში უნდა ისწავლებოდეს ესა თუ ის ტექსტი. სწორედ ამიტომ აღმოჩნდა ეს მოთხრობა ერთ შემთხვევაში – მე-9 კლასის სახელმძღვანელოში, ხოლო მეორე შემთხვევაში – მე-7 კლასის (ავტორი – ნათელა მაღლაკელიძე). „სავალდებულო ნაწარმოებების ჩამონათვალი თავის დროზე შეადგინა ავტორიტეტულმა კომისიამ, რომელშიც შედიოდნენ დარგის სპეციალისტები და საგნის მასწავლებლები, მაგრამ, თავისთავად, ეს ისეთი საკითხია, რომელზეც ცალსახა და ერთიანი პოზიციის შეჯერება, დამეთანხმებით, საკმაოდ რთულია. 2011 წლის შემდეგ, რაც ქართული ენისა და ლიტერატურის პროგრამა დამტკიცდა, განუწყვეტილ ვიდეოთ კითხვებს იმაზე, თუ რატომ არ არის ჩამონათვალში შესული ესა თუ ის მწერალი ან ნაწარმოები, ვიდეოთ შემოთავაზებებს სხვადასხვა ნაწარმოების დამატების თაობაზე და ა.შ. ამჟამად მიმდინარეობს ეროვნული სასწავლო გეგმის რევიზია. 2017 წლის დეკემბრიდან, საჯარო სივრცეში, დევს საბაზო საფეხურის ქართული ენისა და ლიტერატურის განახლებული სტანდარტის პროექტი.

განახლებულ კონცეფციას ორი პრობლემა უნდა გადაეჭრა: 1. ძალზე გადატვირთული პროგრამის განტვირთვა; 2. ლიტერატურული ნაწარმოებების არჩევანის გაფართოება, მასწავლებლებისა და სახელმძღვანელოების ავტორებისთვის მეტი თავისუფლების მიცემა ნაწარმოებების შერჩევას.

აღნიშნული პრობლემების გადასაჭრელად სამუშაო ჯგუფი, რამდენიმეთვიანი შეხვედრებისა და კონსულტაციების რეჟიმში, შეჯერდა იმ პოზიციაზე, რომ პედაგოგებსა და სახელმძღვანელოების ავტორებს სავალდებულოდ შესთავაზოს მხოლოდ ქართული მწერლობის კლასიკოსთა დროში გამოცდილი თხზულებები (როგორც სავალდებულო მინიმუმი) – შერჩეული ამ ასაკის მოზარდების შინაგანი სამყაროსთვის აქტუალური პრობლემების (მაგ., თვითდამკვიდრება, თვითშემცნობა, თავისუფლება, მეგობრობა, სიყვარული და ა.შ.) გათვალისწინებით. ასეთი მიდგომით სახელმძღვანელოების ავტორებს/პედაგოგებს საკმაოდ დიდი „სივრცე“ დარჩება იმისთვის, რომ შეარჩიონ ნაწარმოებები თავიანთი შეხედულებებისაგან. ახალი კონცეფციის თანახმად, ნუგზარ შატაიძის ტექსტი სავალდებულო ნაწარმოებების ჩამონათვალში არ შევიდა. როგორც უკვე ითქვა, ახალი კონცეფციის საფუძველზე შედგენილი სტანდარტი, 2017 წლის დეკემბრიდან, დევს საჯარო სივრცეში და ხელმისაწვდომია ყველა დაინტერესებულ პირისთვის. მეტიც: ახალი კონცეფციის საფუძველზე შემუშავებული პირველი სამუშაო ვარიანტი ჯერ კიდევ 2016 წლის ოქტომბერში დაევ ზავნა საჯარო სკოლებს, ქვეყნის მასშტაბით და მათგან სათანადო გამოხმაურებებიც მივიღეთ.

ამდენად, იმაზე საუბარი, რომ კონკრეტული პირის ვიდეომიმართვის საფუძველზე სამინისტრომ შეიძლება ნაჩქარევად მიიღოს რალაც გადაწყვეტილება, აბსოლუტურად არ შეესაბამება სიმართლეს. ვინც თვალყურს ადევნებს განათლების საკითხებს, მისთვის ცნობილი იქნება, რა დიდი ომი გადავიცანეთ საგნის „მე და საზოგადოების“ სტანდარტის დამტკიცებაზე – გულუხვად არა კონსტრუქციულ კრიტიკას, არამედ ტყუილს, ცილისწამებას და ათასგვარ ბრალდებას. ამისდა მიუხედავად, სამინისტროს გადაწყვეტილება არ შეუცვლია, სტანდარტი დამტკიცდა, პილოტირებაც გაიარა და ახალი სასწავლო წლიდან საქართველოს ყველა სკოლაში შევა სავალდებულოდ. რამდენიმე თვის წინ მსგავსი ამბავი ატყვდა ბიოლოგიაში რეპროდუქციული ჯანმრთელობის სწავლებაზე: ლამის ანათემას გადაგვცეს, მაგრამ ბიოლოგიის სტანდარტის რევიზია განხორციელდა და ეს უმნიშვნელოვანესი საკითხი, რა თქმა უნდა, პროგრამაში დარჩა. ამდენად, მინდა დაგარწმუნოთ, მიუხედავად იმისა, რომ მთელ რიგ საკითხებზე გვესმის მრავალი კონსტრუქციული თუ არაკონსტრუქციული კრიტიკა, საბოლოო გადაწყვეტილება მიიღება იმ რწმენით, რომ ეს გადაწყვეტილება მოსწავლის საუკეთესო ინტერესებს მოემსახურება.

თუ ვინმეს ის აღიზანებს, რომ სამინისტრო და, კონკრეტულად, ეროვნული სასწავლო გეგმების დეპარტამენტი ყველა მოსაზრებას განიხილავს და შეხვედრებს აწყობს სხვადასხვა პოზიციის მქონე დაინტერესებულ მხარეებთან, მოგახსენებთ, რომ ამ დეპარტამენტის ფუნქცია ისიცაა, ერთგვარი შუამავალი იყოს საზოგადოების ფართო წრეებსა და გადაწყვეტილებების მიმღებ პირებს შორის. ეროვნული სასწავლო გეგმა ის დოკუმენტია, რომელიც მეტ-ნაკლებად გაზიარებული უნდა იყოს სხვადასხვა მხარის მიერ და ჰქონდეს სათანადო მიმღებობა – სხვაგვარად საკლასო სივრცეში მისი დანერგვა წარმოუდგენლად მეჩვენება.

რაც შეეხება კონკრეტულად ნუგზარ შატაიძის ამ ნაწარმოებს, ჩვენი პოზიციაა, რომ მე-7 კლასისთვის აღნიშნული ტექსტის შეთავაზება საკმაოდ ნაადრევია, ტექსტი უფრო ახლო მეცხრე-მეათეკლასელთა სულიერ სამყაროსთან. ასევე ვფიქრობთ, რომ აღნიშნულ სახელმძღვანელოში (ნ. მაღლაკელიძე) კონკრეტულად ეს მონაკვეთი სათანადოდ არ მუშავდება. ცხადია, სწორი პედაგოგიური მიდგომის შემთხვევაში, უფრო მძიმე თემა თუ ტექსტიც სარგებლის მომტანი იქნება

მოსწავლეებისთვის, მაგრამ ფაქტი სახეზეა: პედაგოგი რომ სწორი მიმართულება მიეცა მოსწავლეებისთვის, დღეს ეს ვიდეო არ დაიდებოდა. ამდენად, გარკვეული რისკები არსებობს, რომ არასათანადოდ ინტერპრეტირების შემთხვევაში, ამ ასაკობრივი ჯგუფის მოსწავლეები რელევანტურად ვერ გაიგებენ ნაწარმოების მთავარ იდეას.

აუცილებლად მინდა ისიც აღვნიშნო, რომ არავინ აკნინებს ნუგზარ შატაიძის ამ ნაწარმოების ღირებულებასა და აღმზრდელით მნიშვნელობას, სწორედ ამიტომ მოხვდა იგი 2011-2016 წლების საგნობრივი პროგრამის ჩამონათვალში. როგორც ითქვა, განახლებული სტანდარტის ჩამონათვალში ამ ნაწარმოების არარსებობა განპირობებულია არა მისი დაწუნებით, არამედ იმ მიზეზებით, რომლებიც ზემოთ უკვე განვიმარტეთ.

სახელმძღვანელოს ავტორი ნათელა მაღლაკელიძე კი სოციალურ ქსელში ასე ეხმაურება იმ ვნებათაღელვას, რომელიც ამ ნაწარმოების სწავლებამ გამოიწვია: „მსურს გამოვეხმაურო იმ ვნებათაღელვას, რომელიც მე-7 კლასის ქართული ენისა და ლიტერატურის სახელმძღვანელოში (გამომცემლობა „მერიდიანი“, ავტორები: ნ. მაღლაკელიძე, ნ. ლონდაძე, დ. კვანჭიანი, თ. ცხადაია, თ. ლონდაძე) შეტანილმა ნუგზარ შატაიძის მოთხრობამ „მოგზაურობა აფრიკაში“ გამოიწვია.“

1. მოთხრობა წარმოდგენილია 2012 წელს განათლების სამინისტროს მიერ შედგენილ სავალდებულო საკითხავი მასალის 60-პროცენტთან ჩამონათვალში. ამდენად, მისი შეტანა/არშეტანა ჩვენზე არ ყოფილა დამოკიდებული. ძალიან ცუდია, თუ სამინისტროს ხელმძღვანელობას დღეს ეს არ ახსოვს; 2. რაც შეეხება თავად ამ ტექსტის მხატვრულ ღირსებას, მოკლედ ვიტყვი – მას ჩემი დაცვა არ სჭირდება და სანყენია, თუ ზოგიერთმა მკითხველმა მასში მხოლოდ ნარკომანიის პრობაგანდა და მოზარდებისთვის ცუდი მაგალითი დაინახა. ბარემ აქვე შეგახსენებთ – იყო დრო, „ვეფხისტყაოსნასაც“ „ყმაწვილთა გარყვნას“ უკიჟინებდნენ და ამ წიგნს მაშინდელი ბავშვების „დამცველები“ კოცონზე წვაგდნენ. კარგ ტექსტს კარგი ნამკითხველი სჭირდება და მხოლოდ ამოგლეჯილი ფრაზებით არ უნდა ვიმსჯელოთ მხატვრული ნაწარმოების ავ-კარგის შესახებ;

3. არავითარი კავშირი პარტია „გირჩთან“ არ მაქვს (ეს ხუმრობით, რა თქმა უნდა) და არც განათლების სამინისტროში ვმუშაობ (როგორც ზოგიერთს ჰგონია);

4. რაც მთავარია – განათლების სამინისტროში დასასრულს უახლოვდება სახელმძღვანელოების გრიფირების პროცესი, ამიტომაც მომრავლდა მსგავსი გამოხდომები (უფრო რბილი სიტყვა ვერ მოგებნენ) ჩვენი თანაავტორებით შედგენილ წიგნებზე. მიგვაჩნია, რომ ეს შავი პიარია და ერთგვარი ზენოლაა განათლების სამინისტროზე. ამ პიარს „ენირებთან“ ჩვენს სახელმძღვანელოში შეტანილი მწერლებიც.

აი თუ ვამთავრებ ამ საკითხზე საუბარს. პირდავ მე ამ დისკუსიის გაგრძელებით თავს აღარ შეგანყენო.“

„12-13 წლის ბავშვებში როდესაც შემოაქვთ ასეთი გაკვეთილები, არ არის გამორიცხული, რომ მეორე გააკეთებს ამას და მეორე კიდევ უკვირთ, თუ რატომ ხდება დაპირისპირება სკოლის მოსწავლეებს შორის – დაჭრები და ა.შ. ჩემი აზრით, უკეთესი იქნება სკოლაში ისწავლებოდეს უფრო მეტი საქართველოს ისტორია, ვიდრე აცეტონის შესუნთქვა და სხვა ნარკოლოგიური რალაცეები. ეს გაკვეთილი მოიცავს დაახლოებით 15-20 ფურცელს და, თითქმის, სულ ასეთი რალაცეებია სკოლაში. თუ მე იმის გამო, რომ ამ გაკვეთილს არ ვისწავლი სკოლაში პრობლემები შემექმნება, მიმაჩნია, რომ საერთოდ აღარ ვისწავლო. ამ თაობას ნამდვილად არ სჭირდება ამაზე ლაპარაკი, მით უმეტეს, წიგნში, იმიტომ, რომ თითქმის ყველა ბავშვი მიდრეკილია ძველბიჭობაზე, დაჭრებზე და ა.შ. წიგნში ამის სწავლით, პირიქით, უარესს აკეთებენ და მე მგონია უნდა ამბობდეს ამას 12 წლის ბავშვი და ეს თქვენითვისაც ნათელი უნდა ყოფილიყო აქამდე.“ – ამბობს მეშვიდეკლასელი მარიამი.

მარიამ ჩიქობავას აზრით, მასწავლებლის დახელოვნებაზე ძალიან ბევრი რამაა დამოკიდებული. ასეთი ტიპის თემები ამ ასაკის მოზარდებს ძალიან აინტერესებთ და არანაირი ინფორმაცია რომ არ მივანოდოთ, თავისითაც მოიძიებენ. „ამ შემთხვევაში, მთავარია, როგორ წარმართავს მასწავლებელი ამ ნაწარმოების სწავლა-სწავლების პროცესს. მე დაინტერესდები, როგორ არის ეს თემა სახელმძღვანელოში გაშლილი. სამწუხაროდ, არ არის ისეთი კითხვები დასმული, რომ ამ პრობლემაზე დააფიქროს მოსწავლე. ასეთ თემებს კი არ უნდა გავექცეთ, პირიქით, სწორი შეხედულებები უნდა ჩამოვუყალიბოთ მოსწავლეებს. ადიქტიურ (ფსიქოპათიური ნივთიერებებით და ალკოჰოლის დამზარება, კიბერდამოკიდებულება, აზარტულ თამაშებზე დამოკიდებულება) ქცევაზე საუბარი ძალიან მნიშვნელოვანია ამ ასაკში, აუცილებელია, სწორი ფორმებით და სტრატეგიით წარმართოს მასწავლებელმა ამ თემების შესახებ მსჯელობა. სახელმძღვანელოში რა ნაწარმოებები დაემატება, ეს გრიფირების კრიტერიუმებით დარეგულირდება, რომ იქაც არ გაიპაროს მსგავსი ტიპის პასაჟები. შეიძლება ნაწარმოები საკმაოდ კარგი იყოს, მაგრამ ისეთი ტერმინები ან ფრაზები გამოიყენებოდეს, რაც არ არის სასურველი, მოზარდებმა იკითხო. შეიძლება, ამ შემთხვევაში, ადაპტირება მოხდეს, გარკვეული მონაკვეთები შეიცვალოს და შესაბამისი მითითებაც გაკეთდეს.“

მასალის მომზადებისას წავანყდი **გია არგანაშვილის** მიერ მოთხრობის გამოჩენისას დაწერილ რეცენზიას, რომელიც საუკეთესოდ ამბობს ამ ნაწარმოების სათქმელს და, გარკვე-

საქართველო

ულწინადად, პასუხს სცემს მოთხოვნის „ცუდი მაგალითის მიმცემად“ აღმქმელ ადამიანებს:

„ნუგზარ შატაიძის ახალი მოთხოვნა „მოგზაურობა აფრიკაში“ არა მხოლოდ თანამედროვე ქართული ლიტერატურისთვის, არამედ მწერლის შემოქმედებისთვისაც სასიამოვნო თემატური სიახლეა. კარგი თემის მიგნება კი ოქროს ძიებას ჰგავს. ერთი ცნობილი არაკის მიხედვით, ღმერთი კაცს ვიდრე სისხლს არ დაანთხევინებს, არაფერს მისცემს. მე არ ვიცი, რა სიმწარე გადაიტანა მწერალმა ამ მოთხოვნის დაწერამდე, რა გამოცდილება შეიძინა. ისიც კი არ ვიცი, თვითონ თუ უმოგზაურია აფრიკაში. არ ვიცი და არც ვკითხულობ. ნუგზარ შატაიძე ისეთი ოსტატია, ტალახიც რომ მოზილოს, მაინც პურს გამოაცხობს. (ეს შედარება უხდება „პურის მოთხოვნის“ ავტორს), ამ მოთხოვნაში ქუჩის მტკვერი, უპატრონო ბიჭების ბედი და აფხაზეთის ტრაგედია მუყაოს ყუთშია მოხედილი, და მე ვიტყვი, მწერლის შემოქმედებისთვის ეს საუკეთესო ნაცხობია.

ამ მოთხოვნაში ნუგზარ შატაიძის სადედაეწო ქართული სულაც არ უცხოობს ქუჩურ გამოთქმებს: „აცეტონზე შეჯდა“, „ბოლომდე ჩაუშვა“, „მაგარი კაიფია“, „გაგვიმონ“ – უცხოობს კი არა, მგონი სწორედ ეს სიტყვები ჰქმნიან ხასიათს, გარემოს, კოლორიტს. მოთხოვნაც ძალდაუტანებლად იკითხება, გვირგვინც ცოცხლებიან... მხოლოდ ნუგზარზე დამწყდა გული, დასაწყისშივე რომ კვდება, მარტო ეს მეტსახელი რად ღირდა? თუ ოდესმე მწერალი ამ თემას დაუბრუნდება, ვფიქრობ, რომ მასაც გული დაწყდება, იქ ნუგზარს რომ ვეღარ ნახავს, თუმცა მწერლის რა ბრალია „ნუგზარ აცეტონზე შეჯდა და ბოლომდე ჩაუშვა... ბოლოს მოკვდა. ამბობენ გაიყინაო, მაგრამ ტყუილია, აცეტონით მოინამლა.“

რამდენჯერ შეიძლება კარგი მოთხოვნის ნაკითხვა? ერთხელ, ორჯერ, სამჯერ... საკუთარი გამოცდილებით გეტყვით, რომ დასაწყისისთვის ეს სრულიად საკმარისია, რადგან კითხვის სიამოვნებისგან რომ მიიწყენ, სწორედ მაშინ ჩნდება კრიტიკის (თუ კირკიტის) სურვილი.

რამდენადაც ძლიერია მოთხოვნაში აფრიკაში მოგზაურობის შთაბეჭდილება, რამდენადაც ახლოს მოდიან სპილოები, მარტორქები, ანტილოპები, ისე ახლოს, რომ გრძნობ მათ სუნს, სითბოს, იმდენად სუსტია და შორიდან ისმის აფხაზი დაურის ხმა. აფხაზეთში დარჩენილი მამის სახესავით ბუნდოვანია იქაური ცხოვრება. ამიტომ იქ ანწყოს წარსული სჯაბნის, ნანახს და განცდილს მოგონება სჭარბობს, მწერლის მდიდარ ფანტაზიასაც კი უჭირს იმ სიცარიელის ამოვსება, რომელსაც ნაცნობი ადგილების ხელახალი ხილვის სურვილის დაუქმყოფილებლობა იწვევს ჩვენში.

ჩანს, ჩვენთვის დღეს აფხაზეთი უფრო შორსაა, ვიდრე აფრიკა.

აფხაზეთში მამის საძებნელად წასულ ბიჭს, თავისი გაპარტახებული სახლიდან, უზრუნველი ბავშვობის ერთადერთი ტკბილსახსოვარი ხსოვნა და ნაჭრის დათუნია „გერასიმე“ მოაქვს თბილისში. ახლა „გერასიმე“ უნდა გაზარდოს ბიჭი, უნდა გაათბოს, დააპუროს, მიუფეროს, დაარიგოს, დატუქსოს კიდევ. უნდა ასწავლოს, რომ ქვეყნად ბევრი ცუდი და ბოროტი ხალხია, მაგრამ კარგი ადამიანებიც არიან... გაუძლებს „გერასიმეს“ დაძინილი მხრები ამ ტვირთის ზიდვას? მე კი მგონია, რომ თხუთმეტი წლის ბიჭი, რომელმაც უკვე ნახა სიკვდილი და იცის, რომ ზოგი კაცი მოსაკლავია, რომელმაც დედას საქორწილო ბეჭედი მოპარა, ახლა კი აცეტონზე ზის და აფრიკაში მოგზაურობს, „გერასიმეზე“ ვეღარ იკაი-

ფებს. არც თავს მოიტყუებს. აი, მკითხველი კი შეიძლება ადვილად მოტყუდეს, თუ ირწმუნებს, რომ ეს უსახელო ბიჭი (მერე რა, თუ მოთხოვნის ფინალში მწერალმა ისიც გაიმეტა: „სულ ბოლოს ორი გინაც მოვიდა“), რომელიმე ნუგზარ ან გოშკა სულ მუდამ პერსონაჟის როლს დასჯერდება და მოთხოვნაში დარჩება, რაც არ უნდა უნაკლოდ იყოს იქ მისი პორტრეტი შესრულებული.

ოდესმე ის აუცილებლად გამოძვრება მუყაოს ყუთიდან და საზოგადოებას იქ გატარებული წლების გამო პასუხს მოსთხოვს.

ლიტერატურული კრიტიკა აღნიშნავს ამ ფაქტს, გაიხსენებს, ამ გმირს ჩვენ მოთხოვნიდან ვიცნობთ, რომ მწერალმა დიდი ხნის წინათ შენიშნა ის და ქართულ პროზას ძვირფასი მხატვრული ქმნილება შესძინა.

ვითომ მწერლისთვის დიდი პატივი იყოს წინასწარმეტყველების ნიჭი.“

12 წლის გოგონასა და მის თანამოაზრეთა პროტესტს საუკეთესოდ პასუხობს ბატონი გიას სიტყვები, რომ რომელიმე ნუგზარ ან გოშკა სულ მუდამ პერსონაჟის როლს არ დასჯერდება და მუდმივად მოთხოვნაში ვერ დარჩება... ოდესმე აუცილებლად გამოძვრება მუყაოს ყუთიდან და საზოგადოებას იქ გატარებული წლების გამო პასუხს მოსთხოვს. სამწუხაროა, რომ ეს პასუხი საზოგადოების ნაწილისთვის არასწორადაა აღქმული და „პრობლემა“, რომელიც მოთხოვნაშია წარმოჩენილი არასწორ ინტერპრეტაციებს იძენს, „აფრიკაში მოგზაურობა“ ჩვენი უახლოესი მძიმე წარსულია, რომლის გვერდის ავლა მშობლების იმ ნაწილისთვის, რომლებიც მის სწავლებას აპროტესტებენ, მხოლოდ თავის მოტყუებაა, რომ შეილებს სწორად ზრდიან.

გამოსვლა — 2018

საატესტატო გამოცდები შეცვლილი ფორმატით ჩატარდება

განათლებისა და მეცნიერების სამინისტრო და შეფასებისა და გამოცდების ეროვნული ცენტრი აგრძელებენ გამოცდების გამოცდების მოდელში შესაძლო ცვლილებებზე მუშაობას. დღეისათვის, დაზუსტებულია 2017-2018 წლისთვის გათვალისწინებული სიახლეები. გამოცდების ეროვნული ცენტრის ინფორმაციით, 2017-2018 სასწავლო წლის ბოლოს, საატესტატო გამოცდები შეცვლილი ფორმატით ჩატარდება – ტესტირების დასრულებისას მოსწავლე ეკრანზე დაინახავს არა ქულას, არამედ შეტყობინებას იმის შესახებ, გადალახა თუ არა მინიმალური კომპეტენციის ზღვარი – მინიმალურ 5,5 ქულაზე მეტი მიიღო თუ ნაკლები.

ამ სიახლეს შეფასებისა და გამოცდების ცენტრის დირექტორმა, **მაია მიმინოშვილმა** საგანგებო ბრიფინგი მიუძღვნა და ვიდრე უშუალოდ დაგეგმილ ცვლილებებზე დაიწყებდა საუბარს, ის მიზეზები გაიხსენა, რომელიც საატესტატო გამოცდების ამ კონკრეტული სისტემის შემოღებას უძღოდა წინ – 2010 წელს საქართველოს მთავრობამ სკოლებში საატესტატო გამოცდების შემოღების გადაწყვეტილება მიიღო. ტესტირების მინიმალური, ადმინისტრაციული თუ ტექნიკური (პროგრამული) მხარის მომზადება, შემდეგ კი – განხორციელება, გამოცდების ეროვნულ ცენტრს დაევა. ცენტრი სერიოზული გამოწვევის წინაშე დადგა – რამდენიმე თვის განმავლობაში უნდა მომზადებულიყო და საქართველოს ყველა სკოლაში, ერთდროულად, ცენტრალიზებულად ჩატარებულიყო სკოლის გამოსაშვები (საატესტატო) გამოცდები 8 საგანში – ქართული ენა და ლიტერატურა, უცხოური ენა, მათემატიკა, ისტორია, გეოგრაფია, ფიზიკა, ქიმია, ბიოლოგია.

„გადაწყვეტილება განათლებისა და მეცნიერების სამინისტროს მიერ იქნა მიღებული და ჩვენ ვაღიარებთ ვიყავით, შემოგველო გამოართული საგამოცდო სისტემა. ბუნებრივია, მიზნად დავისახეთ სასერტიფიკაციო ტიპის საგამოცდო სისტემის შემოღება და, იმთავითვე, ბარიერი, რომელიც უნდა გადალახა მოსწავლეს, რომ დაედასტურებინა კომპეტენცია კონკრეტულ საგანში, ძალიან დაბალი იყო – მხოლოდ და მხოლოდ 5,5 ქულა (ან მეტი) უნდა მიეღო მოსწავლეს იმისათვის, რომ გამოცდა ჩაბარებულად ჩათვლიდა.

რადგან ეს სისტემა ე.წ. სასერტიფიკაციო ტიპისაა, იმთავითვე ვამბობდით, რომ მთავარია, მოსწავლემ ბარიერი გადალახოს და არა აქვს მნიშვნელობა მის შეფასებას კონკრეტული ქულით. მაშინ ეს ჩვენი შეთავაზება განათლებისა და მეცნიერების სამინისტრომ არ მიიღო და იძულებული გაუხდით, შკალა, რომელზეც მაქსიმალური სიზუსტით იზომება მოსწავლის შესაძლებლობა, მათთვის ნაცნობ – 5-დან 10-ბალიან შკალაზე – გადაგვეტანა. თუმცა, ისევ გავიმეორებ, ნამდვილად გამართლებული იქნებოდა პრინციპი – გადალახა-ვერგადალახა, ე.წ. Pass/Fail სისტემა და არა კონკრეტული ქულით მოსწავლის შეფასება.

ეს სისტემა მაქსიმალური სიზუსტით ზომავს კონკრეტული მოსწავლის შესაძლებლობას და თუ მან ვერ მოახერხა მინიმალური ბარიერი გადალახვა (რაშიც იგულისხმება, რომ კონკრეტულ საგანში მინიმალურზე მინიმალურ კომპეტენციას მაინც ფლობს), ეს, ბუნებრივია, არის ნიშანი იმისა, რომ მოსწავლე უბრალოდ არ არის ატესტატის მიღების ღირსი.“

იმისათვის, რომ მოსწავლემ საატესტატო გამოცდებზე მინიმალური კომპეტენციის ზღვარი გადალახოს, დაახლოებით 15 მარტივ კითხვას უნდა გასცეს სწორი პასუხი. შეფასებისა და გამოცდების ეროვნული ცენტრის დირექტორის განმარტებით, გამოცდების ცენტრი, თითოეული საგნისთვის, გამოაქვეყნებს ნიმუშებს, რათა მოსწავლეებსა და მასწავლებლებს სწორი წარმოდგენა შეექმნათ საგამოცდო დავალებზე. ადაპტირებული ტესტირება ისევ ქართული მოდელით – geCat-ით ჩატარდება. მოსწავლის შესაძლებლობებზე მორგებული ტესტირების ქართული ვერსია – ალგორითმი და პროგრამული უზრუნველყოფა შეფასებისა და გამოცდების ეროვნულ ცენტრში შეიქმნა.

სიახლეა ისიც, რომ კიდევ უფრო გაიზარდა ყველა საგანში ნიმუშების რაოდენობა, რაც მოსწავლეებს შესაძლებლობას მისცემს, გამოცდებამდე, ტესტების სხვადასხვა ვარიანტებზე ივარჯიშონ და მასწავლებელთან ერთად განიხილონ.

დამატებითი ნიმუშები თითოეული საგნისათვის უახლოეს დღეებში გამოქვეყნდება შეფასებისა და გამოცდების ეროვნული ცენტრის ვებგვერდზე – www.naec.gov.ge.

„ხშირად ისმის კითხვა – რას ამონებს კომპიუტერზე ადაპტირებული ტესტირება? ხაზგასმით მინდა აღვნიშნო, რომ ეს არის ის სისტემა, რომელიც მაქსიმალური სიზუსტით ზომავს კონკრეტული მოსწავლის შესაძლებლობას – ამბობს შეფასებისა და გამოცდების ეროვნული ცენტრის დირექტორი – მნიშვნელოვანია, რომ მოსწავლემ მ-ვე საგანში მოახერხოს მინიმალური კომპეტენციის დადასტურება საატესტატო გამოცდებზე.“

შეკითხვაზე, ხომ არ იგეგმება გამოცდების რაოდენობის შემცირება, მაია მიმინოშვილმა უპასუხა: „ერთ-ერთი გამოცდის ამოღებით ხელს შეუწყობთ იმას, რომ მოსწავლეებს ამ საგნის შესწავლის მოტივაცია დაეკარგებათ და დღეს, როდესაც ზოგადსაგანმანათლებლო დაწესებულებები ისედაც ძალიან დიდი გამოწვევების წინაშე დგანან, ბუნებრივია, ეს კიდევ ერთი მტკივნეული ცვლილება იქნებოდა სკოლებისთვის.“ გამოცდების რაოდენობა იგივე რჩება, მე-11 კლასის ბოლოს მოსწავლეები ჩააბარებენ ოთხ საგანს – ფიზიკას, ქიმიას, ბიოლოგიას და გეოგრაფიას, ხოლო ქართულს, მათემატიკას, უცხო ენასა და ისტორიას – მე-12 კლასის ბოლოს.

ზოგადად, სასერტიფიკაციო ტიპის გამოცდის სპეციფიკაზეც საუბრისას, ცენტრის დირექტორმა განმარტა, რით განსხვავდება ამ ტიპის ტესტირება, მაგალითად, სასელექციო ტიპის გამოცდისგან, სადაც ქულას მართლაც გარკვეული დატვირთვა და მნიშვნელობა აქვს იმიტომ, რომ იქ აპლიკანტი კონკურსში მონაწილეობენ. „სასერტიფიკაციო ტიპის გამოცდის ვიყენებთ მასწავლებლების შემთხვევაში, სადაც კონკრეტული ბარიერია დაწესებული და არავითარი მნიშვნელობა არ აქვს, რამდენი საფეხური გადააბიჯებს ამ ბარიერს კონკრეტული აპლიკანტი. დატვირთვა სასერტიფიკაციო გამოცდისა სწორედ ეს არის – გადალახავს თუ არა კონკურსანტი დადაგენილ ბარიერს.“

ძალიან მინდა, რომ პასუხისმგებლობა იმასთან დაკავშირებით, ღირსია თუ არა კონკრეტული მოსწავლე მიიღოს საშუალო განათლების ატესტატი, სკოლებთან ერთად გავიზიაროთ და ქვეყანაში არ იყოს ერთი კონკრეტული ორგანიზა-



სკოლის გამოსაშვები გამოცდები

ცია, რომელიც ერთპიროვნულად მიიღებს გადაწყვეტილებას, იმსახურებს თუ არა მოსწავლე ატესტატს.“

მაია მიმინოშვილმა შარშანდელი ავითარა გიასს, როდესაც დაახლოებით 11 ათასმა მოსწავლემ ვერც ერთ საგანში ვერ მოახერხა ბარიერის გადალახვა, რაც, ბუნებრივია, დაკავშირებული იყო გარკვეულ სტრესთან და ემოციებთან. „კარგი იქნება, თუ ჩვენ ამ მდღეებში მოვუხსნით მოსწავლეებს. ხშირ შემთხვევაში, მშობელიც და მასწავლებელიც ელოდება შედეგს, მიუხედავად იმისა, რომ კონკრეტულ ქულას, რომელიც ეწერება მოსწავლეს, არანაირი გავლენა არ აქვს მდღეზე, წლიურ ნიშანსა თუ სხვა ნებისმიერ შეფასებაზე. მე პირადად ვფიქრობ, რომ ეს სისტემა კიდევ უფრო მეტად ასწვევს სკოლის ავტორიტეტს. ხაზგასმით ვამბობ, რაც უნდა დახეინილი იყოს საგამოცდო სისტემა, თუ სკოლა ობიექტურად აფასებს მოსწავლეს, ეს ყველაზე იდეალური საშუალებაა, ნამდვილად, მოსწავლის შეფასებისა. ამიტომ, ამ ახალი სისტემით, ჩვენი ორგანიზაცია, სკოლებთან ერთად, იღებს პასუხისმგებლობას იმასთან დაკავშირებით, ეკუთვნის თუ არა კონკრეტულ მოსწავლეს ატესტატი.“

მოსწავლის კომპეტენციის ჯერ სკოლა შეაფასებს და მხოლოდ დადებითი პასუხის შემთხვევაში შეძლებს ის საატესტატო გამოცდის ჩაბარებას. „როდესაც მოსწავლე თორმეტი წლის განმავლობაში სწავლობს სკოლაში, ყველაზე უკეთესად, რა თქმა უნდა, სკოლა შეაფასებს და ბუნებრივია, დადებითი შეფასების შემთხვევაში, მას შეუძლია, კიდევ ერთხელ დადასტუროს მინიმალური კომპეტენცია კონკრეტულ საგანში.“ – აცხადებს შეფასებისა და გამოცდების ეროვნული ცენტრის დირექტორი მაია მიმინოშვილი.

ამრიგად, სკოლის გამოსაშვები გამოცდები წელსაც ორ ეტაპად – მე-11 და მე-12 კლასებში – ჩატარდება, მაგრამ შეცვლილი ფორმატით – ტესტირების დასრულებისას, მოსწავლე ეკრანზე დაინახავს არა მისთვის მინიჭებულ საგამოცდო ქულას, არამედ შეტყობინებას, ჩააბარა თუ არა სკოლის გამოსაშვები გამოცდები. შეფასებისა და გამოცდების ცენტრში აცხადებენ, რომ ეს სიახლე, რომელიც წელს დაინერგება, მნიშვნელოვანია და მოხარულები არიან, რომ მოხერხდა განათლებისა და მეცნიერების სამინისტროსთან მოსაზრებების შეჯერება.

მასწავლებლის ბიბლიოთეკა




სასწავლო პროექტები ნივთიერი მეთოდური ნაკრები... 11 ლარი



ქართული I-VI კლასები ნივთიერი მეთოდური ნაკრები... 11 ლარი




პროფესიული უნარები ნივთიერი მეთოდური ნაკრები... 15 ლარი



4 ლარი



6 ლარი



6 ლარი



5.50 ლარი




14 ლარი



6.50 ლარი

მოქალაქეთა საბასტაბო გამოცდებისთვის

კრებულში შესულია პროგრამით გათვალისწინებული თეორიული მასალა და ტესტები...



თითო კრებულის ფასი - 10.90 ლ

ნაფიცი და მომნიცი ანბანი

სერიის შემადგენელი I-VI კლასების მოსწავლეებისათვის...



სერიის ფასი - 32.40 ლ

ქართული ენის კრებულები

ეროვნული სასწავლო გზამკვლეოთი გათვალისწინებული გრამატიკის თეორიული კურსი...




სერიის ფასი 17.70 ლ

„ინტელექტი“ და „არტანუჯი“ გთავაზობთ



ნივთიერი მეთოდური ნაკრები და მასწავლებლის მეთოდური ნაკრები...



ეროვნული გამოცდების სივლასი გიორგი მეთოდური ნაკრები...



თამაზ ვასაძე კომენტარული ტექსტი და ანალიტიკური გზამკვლევი 12 ლარი


თამაზ ვასაძე ქართული აგიოგრაფიული პროზა ლიტერატურის შემსწავლელთათვის 4 ლარი

თამაზ გეროზაშვილი ქართული ენის სასკოლო განმარტებითი ლექსიკონი (ორტომეული) 10 ლარი

ტესტები ქართულ ლიტერატურაში



ნივთიერი მეთოდური ნაკრები V-XVIII საუკუნეების მხარე I, ნივთიერი მეთოდური ნაკრები XIX საუკუნის მხარე II, ნივთიერი მეთოდური ნაკრები XX საუკუნის მხარე III



ფიზიკა საბასტაბო გამოცდისთვის ქ. ტატიშვილი, ზ. ბარბაქაძე 10 ლარი

ბიოლოგია ეროვნული გამოცდისთვის ლ. ბურღლიძე, ნ. სიხარულიძე, ქ. მალბაძე, დ. ნაზირიშვილი 6 ლარი

ისტორია ეროვნული გამოცდისთვის ნ. ანგვალი, ბ. ლორთქიფანიძე, ნ. მურღულია 9 ლარი

მთავარი რედაქტორი: მარიკა ჩიქოვანი

მისამართი: თბილისი, აკ. წერეთლის გამზ. №126, სართული II, ოთახი №14 ტელ.: 032 295 80 23, 599 880073 www.axaliganatleba.ge axaliganatleba@gmail.com

ISSN 2233-386X 9 772233 386008 > ფასი - 1 ლარი 90 თეთრი